

9/10



NOSSE CVPIS FACILEM IVYPERA
HANC CERNE TAPPELLANSTIME
DEM LIPROS CONSVECERT



✓ 00 f. 3


Acte Nr. 245.

1) Wigandus f. n. noch

3 Blätter

K. VII. 85.





1
1
Vom Straff Ampt
der Sünden.

Ob vnd wie die
jenigen so im ordenlichen
Predig Ampt sein / nach vnd mit
Gottes Wort / falsche Lehr vnd Les
rer / Sünde vnd Sünder strafs
fen / vnd die Busspres
dig thun sol
len.

Johannes Wigandus.

Gedruckt zu Brsel / durch
Nicolaum Henricum.

Anno 1563.

Dom Straßburg

der Stadt

Die Stadt Straßburg

hat sich zu dem

Heiligen Römischen Reich

zugeschlossen

und sich dem Kaiser

unterworfen

ist

Die Stadt Straßburg



Geordnet in dem

Verzeichnis

der Bücher



Den Erwürdigen / hoch
vnd wolgelerten trewen Dienern
Jesu Christi / Herrn Doctori Tilemano
Heshusio / Herrn Magistro Petro Eg-
gerdes / Herrn Bartolomeo Strelen /
Herrn Wilhelmo Eccio Radensi /
meinen lieben Brüdern
in Christo.

Gottes Gnade / trost des
Herzens / beständige vnd
eiuerige bekentnis der rei-
nen Göttlichen warheit /
wünsche ich euch von herzen / liebe
Herrn vnd Brüder in Christo.
Dieses Büchlin hab ich für acht
Jaren vnd fast etwas lenger / zu
Magdeborg geschrieben / da ich
nach Gottes willen jr Pastor vnd
Superintendens war. Es gaben
mir aber ursache darzu / nicht als
leine die Weltkinderlein / welche
A 2 ich

Vorrede.

ich alda für der hand hatte/welche
dem Ampt des Göttlichen worts/
wie gewöhnlich hart genug zuseze-
ten/Sondern auch der elende vnd
flegliche zustand aller Kirché Ch-
risti hin vnd wider / da die Welt
mit iren klugen Leuten / mit höch-
ster list/ geschwindigkeit vñ macht
trieben/ das sie den trewen Lerern
des Göttlichen worts/welche von
Sünden an Gottes des Allmech-
tigen statt schrien/ vnd zur Busse
vermaneten/ den Mund stopffen/
vnd inen fürs schreiben vnd sagen
möchten/ was/ wie/ weñ sie reden
vnd Predigen solten. Denn es den
Teufel / welcher auff dieser Welt
gewaltiglich herschet vnd krefftig
ist / wie S. Paulus sagt / in den
Kindern des Vnglaubens / sehr
obel verdreisset/das man in straf-
fen / vnd die Leute aus seinen henden

den

Vorrede.

den durch ware bekerung zu Gott bringen sol. Ich sahe auch / wie schwach viel Lerer des Göttlichen Worts wurden / Denn wer ledet nach dem Fleisch vnd Blut gerne hass der gewaltigen / verfolgung / vnd allerley elend auff sich:

Wiewol nu durch die Oberkeit damals erleubet ward / solch Büchlin zudrücken / aber doch ist's durch meine selbs verlassung nachblieben / denn ich hoffete zeit zuhaben / da ich noch etwas mehr darzu mit Gottes hülffe machen wolte.

Aber weil die welt in dē Bösen fast stets eimerley ist vnd bleibt / vñ man nicht nachlesset hin vnd her / die armen Prediger vnser Herrs Ihesu Christi zu plagen vñ zunerjagē / nur darumb / das sie an Gottes statt vnd aus Gottes befehl den Leuten ire Sünde furhalten /

Vorrede.

Vnd inen Gottes Zorn vnd die Helle/laut Göttlicher worte dramen/wo sie nicht in der zeit der Gnade busse thun vnd sich bekeren/ so bin ich verursacht / auch durch etlicher fromer Leute anhalten bewogen/ das ich solch Büchlin im Namen Gottes ikt/ wie es für so vielen Jaren von mir geschriebē/ hab wollen lassen im Druck ausgehē/ Gott gebe seinen seggen darzu/ das es etwas nützlichs vnd fruchtbarliches möchte ausrichten/ vnd bitte alle die es lesen / wollen es nicht allein ansehen vnd ein wörtlin heraus zwacken vñ verkeren/ sondern durchlesen vñ von der sachen selbst in Gottes furcht vnd nach Gottes Wort/ wie es sich gebürt/ urteilen vnd richten.

Ich aber lieben Herrn vñ brüder in Christo/ hab ich dieses büchlin /

Vorrede.

lin/ wiewol es geringe von mir ge
schrieben / doch weil es wichtige
vnd hohe sachen begreiffet / wollen
zuschreiben vnd schencken / fürnem
lich vmb dieser vrsachen willen /
weil jr lebendige / rechte vnd fürne
me Exempel seid / reiner / trewer /
bestendiger vnd eueriger Lerer vñ
Prediger des Göttlichen worts /
Vnd das andere Lerer der Kirchen
können von euch ein gut / löblich
vnd nützlich Fürbilde nemen / wie
sie auch in irem hohen Lehr ampt
sich erzeigen vñ halten sollen. Den
jr Gottes wort rein vnd vnuerfel
schet / ohne alle menschliche zusatze
geleret vnd bekant hat / darzu die
Sünder ordentlich / recht vnd Be
terlich zur bekerung / vnd das sie
Gottes Zorn entfliehen möchten /
aus vnd nach Gottes wort verma
net. Ir habt auch als trewherzi
gen

Vorrede.

gen vnd euerigen Lerern zugehöret / die irrigen falschen Lere vnd Lerer / welch jetzt ewren Schefflin vnd der ganzen Kirchen Christi den allergrößesten vnd höchsten schaden zufüget / mit Gottes wort angezeigt / widerleget / gewarnet / vñ auch mit Schrifften öffentlich grund der Göttlichen Warheit angezeigt Tit. 1. Vber dieses alles / so hett jr nu auch die rechte eigentliche farbe vnd das edle kleinot / dabey man rechte Lerer des Göttlichen worts auch kennet / als nemlich / das nicht alleine etliche verfert Gelerten vnd gewaltige / oder sonsten Weltkinder / euch hassen vnd anfeinden / sondern auch jr aus ewrem Ampt gesetzt / schmehtlich / eusserlich zureden / verjagt / vnd im elende sein müßet. Davon redt Christus vnser höchster Bischoff

Vorrede.

schoff vnd Superintendent / vnder
welches administration vnd
Ampt wir gehören / wie jr wisset /
habē sie mein wort nicht gehöret /
sie werden euch auch nicht hören /
haben sie mich verfolget / sie wer-
den euch auch verfolgen. Itē War-
lich warlich ich sage euch (merck
wie hoch der Herr Christus schwe-
ret vnd solchs beteuert) jr werdet
weinen vnd heulen / aber die Welt
wird sich freuen. Vnd wie nach
Christo die Apostel vnd alle trewe
warhafftige Lerer sind auff das al-
ler jemerlichste gemartert wordē /
ist die ganze historien der Kirchen
vol vnd vberflüssig von.

Ich weis auch Gott lob / das
euch die Welt vnuerdienter weise
hasset vnd verfolget / Denn ob
gleich der böse Geist viel Secke vol-
ler lügen ausbleset / vnd der Teu-

A 5 sel

Vorrede.

fel seine feurige pfeile grausam-
lich aussprüet / mit allerley vn-
grund vnd lesterungen euch geden-
cket zubeschweren / jedoch so konne
sie in iren hertzen / solten sie auch
zubersten nicht für ober / sondern
müssen sagen vnd zeugnis geben /
das ir in der Vere rein / vnd es Be-
terlich vñ trewlich mit ewren Sch-
efflin gemeinet / vnd sie gerne selig
gesehen. Es hilffte aber die Jüden
nichts / das sie schrien ober Chri-
sto / Er ist ein Aufrührer / hat das
Volck erreget / imer hinaus mit
ime vor die Stadt vnd gecreuzi-
get / Denn sie kontens nimermehr
beweisen / es waren eitel calumni-
en vnd lügen. Item es halff sie ni-
cht ob sie gleich wie Justinus sch-
reibet / Nach dē sie Christum vors
Ehor hinaus gefüret vnd gemar-
tert hatten / allenhalbē auff Meer
vnd

Vorrede.

vnd Lande Boten vnd Schrifften
auschicketen / man solte Christo
vnd seinen Aposteln nicht gleubē /
denn sie weren vnruige köpffe vnd
Auffrührer. Gott erhielt gleich-
wol seine Apostel vnd des Herrn
Christi Vere / vnd straffet zu seiner
zeit ernstlich dieselben Lestere vnd
Verfolger.

Es ist mir herzklichen leid / das
weis Gott / das etliche vnzeiti-
ge geburt in Magdeborg / solche
vnchristliche Verfolgung wider
euch fürgenommen / vnd darüber sol-
che Sünde / wie der Prophet sa-
get / wie Sodom vnd Gomorra
schmücken vnd verteidigen / das
wird zu hoherm schaden gedeien /
Aber ich weis auch dieses / das ni-
cht alle in der werthen Stadt / in
solche grosse Sünden gewilliget /
vnd viel trenen vergiessen vnd seuff-
zen

Vorrede.

ken thun/wider die Verfolger/die
ire straffe/ wo sie sich nicht bekerē/
empfangen werden / Gott tröste
die betrübten Christen die darinne
sind / Denn ich hoffe das jr
viel noch darinne leben / welcher
Gebet Gott wird erhören.

Erwegen lieben Herrn/bitte
ich freundlich/wollet es euch nicht
misfallen lassen / das ich ewren
Namen für dieses Büchlin schreibe/
vnd hiemit verehere. Denn es
geschicht nicht der meinung / das
jr meiner Vere bedürffet / die jr alle
mit höhern gaben Gottes seid ge-
zieret/denn ich/sondern das jr die-
sem meinem Büchlin ein ehre vnd
schmuck weret / vnd das ich auch
weis / jr werdet solche Göttliche
Vere trewlich helffen bekennē / vnd
mit Gottes Wort verteidigen.

Was das heilige vnd herliche
Creutz

Vorrede.

Creutz anlanget / damit euch Chri-
stus ihund erhebet / zweuel ich
nicht / jr werdet euch als Gottseli-
ge Gelerte / erfarme Mienner wol
wissen zu trösten. Ir wisset das
Christus spricht / In der Welt
habt jr angst / aber seid getrost / Ich
hab die Welt vberwunden. Item
jr werdet trawrig sein / doch ewer
trawrigkeit / sol in freude verwan-
delt werden. Item Selig seid jr /
wenn euch die Menschen vmb mei-
net willen schmechen vñ verfolgen /
vnd redē allerley vbelß wider euch /
so sie daran liegen. Seid frölich
vnd getrost / Es wird euch im Hi-
mel wol belohnet werden / Denn
also haben sie verfolget die Pro-
pheten / die vor euch gewesen sind.
Das sind vnserß HERRN Ihesu
Christi wort vnd sind warhafftig.
GOTT aller Gnaden / gebe euch
durch

Vorrede.

durch Christum seinen heiligen
Geist / das jr mit freidigem hertzen
ewer Lecht lasset leuchten für den
Menschen / vnd in heilsamer be-
stendigkeit verharret / bis ans en-
de / Amen.

Ewer Bruder vnd Mitdiener
im Euangelio des gecreu-
zigten Ihesu Christi.

Johannes Wigandus.

Quis

Ob vnd wie die jenen /
so im ordentlichen Predig ampte
sein / nach vnd mit Gottes worte / falsche
Lere vnd Lerer / Sünde vnd Sünder
straffen / vnd die Busspres
dige thun sol
len.

Es ist kein ankreischer /
clender geplagter Man auff
der Welt / denn Christus mit
seinem armen Predigstuel.
Denn nirgend kein Altrusse
ist / er vnterstchet sich die Prediger vnd
Predigt zu reformiren / meistern vnd les
ren / was vnd wie man reden solle. Doch
müßte solches mit den geringen Leuten hins
gehn / Aber es thun das auch die jenigē an
aller meisten / beschwerlichsten / vnd mit
größerem schaden / welche sich für andern
ein wenig mit gunst / gelt vnd ehre fülen /
Diese meinen / sie als grobe grosse Hansen
vnd Herrn / habens fürder macht / denn ein
anderer Schusticker / sie verstehen was
recht

Vom Straff Ampt

recht ist / sein klüger vnd weiser denn alle
Prediger wie sie mögen sein.

Dieser Leute sind zweierley / Erstlich
Weltuerstendige leute / sie sind nu zu Hofe
oder auff Rathheusern / welche mit irem
klugen anschlezen vnd rethen / nicht allein
die Welt vnd Propphan sachen regieren /
sondern auch ein Fuss in die Kirchen setzen
wollen / die sol sich in allem / sonderlich ab
ber im Leren nach irem kopff vnd gefallen
richtē / sie aber wollen sich nicht nach der les
re richten vnd halten. Darnach die ander
Kotte sind die Philosophi / welche der vers
nunfft lere folgen / vnd dieselbige auch in
Christi regiment in der Kirchen wollen ein
mengen. Diese stercken die Höfischen
vnd Weltklugen / die nicht gründlich bes
richtet sind / mit irem Rathschlegen / blasen
in ein Horn / das man die Kirchen sache
vnd Predigten nach der vernunfft gutdün
cken in alle wege richten müsse.

NB werden aber auch zweierley Leu
te im Predigampt gefunden / etliche die
entweder aus schwachheit oder bosheit / an
gesehen der zeit vnd leute gelegenheit vnd

nots

der Sünden.

notturfte / den Weltleuten vnd Philosophos
phischen nachhengen / willigen / vnd mas
chens auff allerley recht / wie mans gerne
haben wil. Etliche aber erkennen / das Chy
risti Reich vnd wort / solche anschlege /
fürgeben / begeren / handel / werck der klus
gen Frawen vernunfft / nicht könne leis
den / vnd grosser mercklicher vnwider
bringlicher schade / mehr denn man im ers
sten anblicke bedencken könne / daraus ers
folge / das Gottes ehre / reine Lehre vnd
rechte Gottesdienst drüber geschmecht /
geringert / vnd wol entlich gar auffgehos
ben / getilget vnd ausgerottet werden.

Die ersten haben von solcher gelindig
keit / gunst / ehre / gut / das einer Heuser /
der ander etliche hundert taler / der vierd
eine andere gaben bekompt / oder ja auff
das aller wenigste der gefahr vberhaben
vnd frey ist / vnd solches alles laut des
Spruchs / So du niderfelst Matth. 4.
Die andern aber erlangen mit irer stand
hafftigkeit / hass / vnehre / Apostels füsse.
Die ersten sein nicht geringe Fischer /
als Petrus vnd Andreas / sondern anses
B helis

Vom Straff Ampe

Heliche hohe Leute / die oben an sitzen /
als Caiphas vnd Hannas. Die anz
dern sind arme Leutlein / Kinder / gerinz
ge von verstande / ansehen vnd gut / die
es doch mit Christo / seinem Predigstuel /
Wort vnd Gottesdiensten herzlich gut
meinen / vnd wollen den Teuffel nicht
leiden / im hofieren / oder sich für im entz
setzen / er sehe gleich als ein Lewe / 1. Pet
tri 5. oder als ein Engel 2. Corinth. II.

Weil denn die Vernunfft mit iren
Kindern durchbricht / die rechten / trewz
herzigen / bestendigen Diener Christi /
gescheucht / eingetrieben / geschweecht vnd
vericcht werden / vnd solches dem Reich
Christi zu sonderm grossen schaden gerei
chet / der Teufel auch immer je kurrer wirt /
weil ime nicht viel widersprechen / die es
wol thun könten vnd billich solten / so mus
man etwas dauon sagen / damit dem Teu
fel vnd seinen mühseligen gesellen / die so
künlich den armen Predern vber die schz
nauke hawen / in trübnis bringen vnd das
mit tödten / gleichwol angezeigt werde /
das sie nicht recht daran thun / vnd wo
sie

397
Der Sünden.

sie sich nicht bekehren wollen / einmal das
eiserne Scepter Christi fülen werde Psal.
2. vnd das auch die armen Hasen / so den
Lewen predigen sollen / ein wenig trost has
ben mügē von andern / das sie recht thun /
vnd sich nicht zu tode fürchten oder beküm
mern / sondern thun mit freidigem geiste
durch Christum nach Gottes Wort was
jr ampt mit sich bringet.

Darnach habe ich mit dieser Schrifte
einen kurzen einfeltigen bericht geben wol
len / nicht der meinung / das ich die Welt
gedechte zu regieren / den darzu erkenne ich
mich viel zu gering / vnd ist mir die Welt
oberlegen / auch nicht / das ich mich lieffe
klüger düncken denn andere / welche in dem
kleinsten fingerlein / wie man sagt / mehr
können / denn ich in meinem ganken leibe /
das ich denn gerne zugebe / sondern einfelt
tiger guter meinung / damit ich der Kirchē
Christi auch nach meinem vermügen vnd
ampt / so viel Gott gibt / diene.

Aber da klingen mir bald zum ersten
eingange beide Ohren / wie man dieses
Wolmeinen deuten / auslegen / vnd
auff

Vom Straff Ampt

auff das heftlichste verunglimpfen wirt/
nicht allein zu grosser Herren höfe / vnd
auff den Rathheusern / da die schöne Fra-
we vernunfft genant oben an siset vñ pran-
get / sondern auch noch wol bey denen / so
im Kirchenampte sein / vnd billich das er-
ste wort von solchen sachen haben / vnd
Menschlicher vernunfft / mit irem vnzei-
tigen flügeln einreden vnd widersprechen
soltten. Bitte derhalben auch / man wolle
von ersten lesen vñ vernemen / darnach im
namen Gottes entweder in Gottes furcht
nach seinem wort vnd notturfte der Kir-
chen / oder aber nach der Vernunfft / der
Welt begeren / vnd fleischlichen fromen
urteilen / das sol mir gleich gelten / wers
auch besser machen kan oder wil / dem sol es
wol gegönnet sein.

Es sein zwo vnterschiedliche fragen/
ob man straffen solle / vnd wie man straf-
fen solle / da rath zu rether gut / was dar-
auff zu antworten?

Da mus ich aber zu foderst protestiren/
(denn ich gar mancherley köpffe vnd Rich-
ter haben werde) das ich nicht vom Welts-
lichen

391 der Sünden.

lichem Regiment / sondern vom Predig-
ampft hie reden werde / das nicht der faust
vnd des eisernen Schwerts / sondern der
zungen vnd des zweyschneidenden Schw
werts / das da heisset Gottes Wort / ges
brauchet / vnd seine mass vnd weise hat /
vnd weit von frecheit / fluchen / schweren /
auffrühr / vnd andern bösen stücken abzus
scheiden ist.

Die erste frage / ob ein Prediger straf
fen / das ist allerley Sünde / wider die erste
vnd andere Tafel anzeigen / Gottes Zorn
vnd Rach drüber verkündigen / zur befe
zung vermanen / treiben / anhalten / solle
oder nicht / ist etwas leichter vnd klerer
denn die folgende / darumb ist sie nicht so
sehr streitig. Es müssen aber gleichwol als
le Weltkluge vnd gelinde Theologi / ents
weder aus dringendem Gewissen / oder
auch zu einem scheine noch zur zeit / damie
sies nicht zu grob auff einem hauffen her
aus stossen / bekennen vnd sagen / das einem
Prediger nach seinem ampte vnd nach
Gottes wort zu straffen gebüre.

Denn es bringets ja der befehl Christi /

W 3

vnd

Vom Straff Ampte

vnd der beruff solches ampts mit sich/denn
es heisset Christus in seinem namen Pre-
digen Busse vnd vergebung der Sünden.
Büsse aber predigen heisset nicht die Sün-
de verschweigen / vnterdrücken / gering
machen / vbergehn / sondern die herfür zie-
hen / für die nasen rücken / rund vnd klar
sagen / das solche Sünden Gottes zorn
haben verdienet / hie auch zum teil auff dies-
ser Welt gestraffet sollen werden / vnd das
die mit den Sünden behaffet / in die Hel-
le vnd nicht in Himel gehören / wo man
nicht sich bey zeit bekeret / abelesset / vnd
bey Christo gnade vñ vergebung im Glau-
ben suchet vnd empfehet.

Es hat ja mit vns Menschen allen
diese gelegenheit / vnd sind in dem schaz-
den von wegen der Erbsünde / das wir nis-
cht allein von natur Sünder sind / son-
dern wissen auch von Sünden / vnd dersel-
bigen krafft / von Gottes zorn vnd verdam-
nis nichts gründliches / es sey denn / das
Gottes wort vns darinne diene vnd dauon
erinnere. Derwegen auch zwenerley Lere
von Gott geoffenbaret / in einer / die das
Ges

der Sünden.

Gesetz heisset / sol die Sünde entdeckt vnd ernstlich gestraffet werden / wie Paulus sagt / Durch das Gesetz kompt erkentnis der Sünde / vñ das Gesetz macht die Sünden gros / richtet zorn an. Daraus zumen / das man Sünde vnd Sünder straffen solle vnd müsse / vnd dasselbige mit solcher scherpffe / das sie die grösse ihrer Sünde / so viel möglich / Item was die Sünde gewircket hat / als nemlich / Gottes Zorn vnd die Verdammnis / lernen verstehen / darüber erschrecken / sich demütigen / vnd erkennen / das sie billich in ewigkeit ihrem verdienste nach Hellbrende sein solten.

In der anderen Lere / sol Gottes gnade auch verkündiget werden / welcher vmbsonst / ohne Werck / aus Barmhertzigkeit / alleine von wegen des verdienstes Christi wolle die Sünde vergeben / zudecken / nicht zurechnen / vnd vns zu Kindern vnd Erben der ewigen Seligkeit im Glauben auffnehmen. Solche Lere kan nirgend statt oder krafft haben / denn bey den erschrockenen zerschlagenen herten / welche

Vom Straff Ampt

erstlich von wegen der Sünden gestraffet
sein / das es also / fürzlich davon zu reden /
als in einer vnstreitigen sachen in vnsern
Kirchen. Erstlich Christi einsetzung vnd
befehl selber ist / das man in dem Predigz
ampte straffen mus. Darnach so kan
Gottes wort ohne straffen nicht recht fürz
getragen werden. Denn Gottes Wort in
zwey Heuptstücke gefasset ist / Nemlich /
Gesetz vnd Euangelium / Gesetz sol strafz
fen / Euangelium sol trösten / oder sol vnd
kan keines ohne das ander allein nützlich
geleret oder getrieben werden.

Zum dritten fodert solches aller der je
nigen notturfft / welche sollen widergebos
ren / gerecht vnd selig werden / das sie erst
lich durch straffe des Gesetzes / zum erkentz
nis der Sünden vnd demut komen / darz
nach durch die fröliche gnadenpredigt des
Euangelij / wider getröstet werden / vnd
müssen solche zwo leren stetigs in vns iren
brauch vnd vbung haben / weil Sünde blei
bet / vnd weil wir den sündlichen alten A
dam an vns tragen.

Es kan auch niemand anfahen Gott
zuges

der Sünden.

zugehorsamen / es sey denn / das er von ers-
sten also sey / durch straffe zur Busse gefüs-
ret / habe vergebung durch Christum im
Glauben empfangen / vnd brauche der
straffe jmer für vnd für / welche das vns
rechte anzeige vnd verdamme / vnd darges-
gen was Gott haben wil / weise vnd fürs
halte.

Aber dauon wollen wir nicht viel wort
machen / denn man solches in vnsern Kir-
chen / mit welchen wir ihund vmbgehen /
gestehen mus vnd bekennen / straffe gehöre
zum Predigamt / vnd sey von nöten.
Doch sein etliche / in welchen ein gros
merklich partickel vom Antinomischen
geiste sticket / vnd lassen sich etliche Jün-
ckerlein hören / die Prediger sollen den Leu-
ten mit straffen kein gewissen machen / das
were fürwar gut / wenn man so grob ver-
lauten liesse / so könnte man doch hörē / was
für Leute in der Welt weren. Wir zwar
halten es dafür / das man vnter dem Mas-
homet solches nicht gestatten würde. Sol
nun die Sünde durch Gottes Geist vnd
mund straffen / heissen Gewissen one noe

Vom Straff Ampt

machen? Lieber Herrgott wehre dem groben Teufel. Solche feine Leute machet man/ wo Weltkluge den Predigstuel regieren wollen. Gewissen machen/ heisset one Gottes Wort die Gewissen beschwetzen/ Sünde machen da keine ist/ als wenn man wolte auff eigene / selberwehlete Werck dringen/ fürgeben/ das / wer am Freitag Fleisch esse / der were verdampft/ Wer gelobet hette nach S. Jacob zu wahlen / vnd es nicht hielt / der müsse in die Helle faren vnd dergleichen.

Aber das Gesetz predigen/ die Sünde/ da sie ist/ straffen/ vnd sagen / Wer Gottes wort verachtet / schmehet / verfolget/ lebet in Hurerey / verdrucket den armen/ sticket in Geiz/ Bucher/ vber die Ohren/ ohn alle mass vnd ende / ohne alle Busz vnd bekerung / der wird dem Teufel ein Braten geben / wird Gottes Zorn hie vnd dort erfahren / Derwegen man sich bekeren müsse / gedencke man anders selig zu werden. Sol nun das ja Gewissen gemacht heissen / so ist es doch Gottes befehl / sein straffen/ vnd erfordert
unsere

Der Sündent.

unsere höchste notturfft. Solches melde
ich derhalben / damit die Wecklugen ein
wenig sehen / was sie für schöne fruchts
lein vnd zarte kinderlein zeugen / das wird
im Gott ohne zweiffel wol gefallen las
sen.

In der andern fragen splittert sichs
mehr / nemlich / wie man straffen solle.
Wenn man aber in Gottes furcht vnd
nach seinem Worte oder auch nach der
Leute notturfft vrteilete / bedürffte es ni
cht viel wessens. Aber wenn die Verz
nunfft mit irer flughrit komet / vnd mit
vngewaschenen henden drein felt / so wil
es nicht vberlein stimmen / so treffen
Winter vnd Sommer an einander /
Die Weltuerstendige Philosophi vnd
böse Aulici Theologi / vntersehen sich
den Heiligen Geiste zur Schulen zu füz
ren / vnd seine zungen zuschleiffen / das er
nach irem gefallen / vnd wie sie es gut
dücket / reden sol / geben für / es gebü
re dem Predigampte nicht mehr denn
das man in genere / in gemein / anhin
straffe / solches könne man wol mit gutem
Ges

Vom Straff Ampt

Gewissen thun / weiter könne noch solle
man nicht schreiten / vber diese fürgespann-
te Schnur sol man nicht hawen / nicht ad
speciem gehen / vnd also Sünde vnd Süns-
der abmalen / das man verstehe / wen vnd
was man meine. Denn es sey nirgend bez-
fohlen / es sey nur eine frecheit vnd zungen-
sucht / welche einer vom andern lerne / es
bringe grossen vnraht vnd schaden / im
Weltlichen Regiment vnd ganken leben /
Als das wir es kurz vnd einfeltig in die
zwey stücke fassen / sie sagen man sol irrige
Lere vnd Lerer nur in gemein anhin strafs-
sen / wenn man dargethan / was die reine
Euangelische warheit sey / als denn könne
man dran hengen / was darwider ist / sey
vnrecht vñ falsch / man sol nicht die fligen-
den / öffentlichen Bücher / als das Inter-
rim mit seinen Töchtern die es bald zeu-
gete / mit namen rürē / des Papsts / seiner
Carpinalen vnd Bischoffen mit namen
nicht gedencen. Denn sagt einer mit ein
roten paretlein / was gehet vns der Papst
oder der Bischoff zu Mens oder zu Trier
an / was die an iren höfen machen / man
können

der Sünden.

könne dieselbige zeit nötiger vnd nützlich
cher ding sagen.

Zum andern sol man auch die straffe in
genere anderer Sünden vnd Sünder in
der ersten vnd andern Tafel / so bey vnd
vmb vns her zu zoten gehn / gleichwol also
messigen vnd anstellen / das man nicht dies
selbigen / sonderlich weil man den meisten
teil nicht für Sünde oder Sünder wil ges
achtet haben / dermassen ansteche / vnd die
wort also verlauffen lasse / das ein jeder
beyleufftig vermercken müge / wer vnd
was getroffen werde. Man könne wol als
te Historien einführen / die sache klerer zu
machen / darnach müge sich ein jeder selbs
prüfen / Summa man soll auch nicht ein
wenig auff den Sack klopffen / der Esel
wil von stundan gumpen / vnd hinder sich
schlahen.

Von dieser messigkeit können die Wele
leute grosse stücke hawen / vnd thut in an
den fußsolen sanffte / das sie den Predi
gern ire freiheit zureden / die inen zum
höchsten verdrieslich / vnd zu irem fürhas
ben / vñ handeln ganz vnbequeme brechen
vnd

Vom Straff Ampte

vnd hindern / sie aus dem Sattel heben /
vnd schweigen sollen.

Die weil denn solches ein sonderlicher
behender griff ist des Teufels / damit er
weiter gedencft / denn man von ersten
meinet / ist von nöten / das man ime be-
gegne / vnd dargegen bericht thue / zu
foderst das die Welt kluge Leute sich des
anmassen / das inen nicht befohlen / denn
es sollen wol Weltliche Regenten den
Predigstuel mit Gelerten / Warhafftis-
gen / bestendigen Personen / bestellen /
damit Gotte sein Reich gemehret / die
armen Vnterthanen mit heilsamer Les-
re geweidet können werden / vnd weil
ein Arbeiter seines Lohns würdig / inen
narung reichen / auch weil Göttliche
Warheit nicht ohne gefahr geprediget
kan werden / Denn Gottes Wort mus
wie ein zweyschneidend Schwert / haben /
verdammnen alles böse wesen / vnd falsche
Lehre nahend oder ferne / sie gebürlicher
weise Schützen vnd Handhaben. Aber
das ist inen mit nichten einzureumen oder
zu gestatten / das sie das Predigampt res-
forz

der Sünden.

formiren/hemmen/ iñe mass vñd ziel stecken mügen / wie man Sünde vñd Sünder straffen solle / sonderlich wider Gottes willen vñd anweisung in seinem wort/ nur aus vñd nach irem fleischlichen verstand/nuz vñd fromen.

Denn das Ampt ist eines andern / nemlich Gottes / der wil es frey haben / vñd sollen alle gros vñd klein auff der ganzen Welt / Keiser / König / Fürsten / Herrn / Bawr / Bürger / Engel im Himel / vñd Teuffel in der Hellen / diesem Göttlichem Wort vñd Ampte unterworffen sein / vñd anhören was Gott sagt. Ob auch gleich den gewaltigen befohlen wird / Abgotterey vñd falsche Lere abzuschaffen / irrige vñd bekerliche Lerer nach ordentlicher / genugsamer / klarer verhöre / wegzuthun / vñd andere die Gottes Wort rein ohne alle Menschliche zuseze fürtragen können / an ire statt zu ordnen / so ist ihnen doch nicht frey / das sie weise vñd mass geben möchten / welcher gestalt vñd wie ferne man die Wahrheit sagen / die Sünden straffen / vñd die Bußpres

Vom Straff Ampt

predigten thun solte. Denn das hat bereit
Gott fürgeschrieben. Sie haben auch ni-
cht macht frome / warhafftige / trewe Les-
rer / die das Göttliche Ampt rechtschaffen
nach Gottes wort / vñ der Leute notturfft
an Leibe vnd Seelen / führen / abzusehen / ei-
nen knebel ins maul zu legen oder zunerias-
gen / Vnd werden one zweiffel solche kün-
e Helden / welche so troziglich Gott in sein
Reich dürffen greiffen / ire feuste gar reds-
lich verlemen.

Ja weil sie solches thun / hindern sie die
notwendigen Busspredigt / machen die
Prediger schuchtern / das sie die warheit
nicht wie sie sollen / sagen / geben vrsach zu
hincken / vñ dem andern Volck frey sicher
geleit zu sündigen / das die Gefellen eben
die jenigen sein / welche wider Gottes wil-
len / reine Göttliche Lere vnd ware Got-
tesdienst / als da sein sich zu Gott bekeren /
beten / gleuben / vnd dergleichen hindern /
vnd sein seuberlich eines nach dem andern
dempffen vnd tilgen.

Nun von beiden stücken in sonderheit.
Zum Ersten sollen die rechten Prediger
fals

Der Sünden.

falsche Lere vnd Lerer nicht allein in ges
nere/in gemein/sondern nach gelegenheit/
vnd erforderung der zeit vnd sachen auch
in specie / in sonderheit / mit beständigem
grunde vnd mit Gottes wort / welchs die
rechte bescheidenheit / Regel vnd Nichts
schnur ist/ angreifen/ vrteilen / verdams
men/ vermanen / das man sich ja für inen
bey verlust Göttlicher gnaden vnd seligz
keit/bey vermeidung zeitlicher vnd ewiger
straffe/ hüten vnd fürsehen wolle/ vnd solz
ches beide in öffentlichen Predigten vnd
Schriften thun. Es hat ja ein Predi
ger fünfentlich drey örter / da er beide in
gemein vnd in sonderheit (was seine Zus
hörer belangt / denn von den Schriften/
darin falsche Lehr vnd Irthumb widerz
legt werden/ jetzt allhie nicht gesagt wird)
seine Busspredigten thun sol. Der Erste/
das wo er vnter seinen Pfarkindern jes
mand weis / der in Irthumb sticket / dens
selbigen in gegenwertigkeit vermanen sol
vnd darff/ das er abestehe/ vnd auch in les
re vnd vnterweise / was recht vnd heilsam
ist. Darnach wenn er Beichte höret/ die

E

Abt

Vom Straff Ampe

Abolution spricht / da er irrige meinung
straffen sol vnd mus / nicht allein oben
hin in gemeine / sondern in deme / mit
welchem er damals zuthun hat / vnd wels
chem er nicht in genere / sondern in specie
in sonderheit vergebung der Sünden
sprechen sol / deme mus vnd sol er ja sas
gen was recht oder vnrecht ist / vnd das
der gestalt / das ers verstehen / annemen /
sich draus bessern könne. Der dritte ort
ist der predigstuel / da er seine pfarkinder
in Göttlicher warheit vnterrichten / vnd
auff den weg der seligkeit bringen sol. Da
erfordert ja die nott das er nicht allein in
gemein lere / vnd ime treumen lasse / er sey
jekund an keinem sonderlichen ort in Bi
topia / sondern das er seine Predig richz
te auff den hauffen / so er vmb sich her haz
stehen vnd sitzen / vnd wo er darinnē aberz
glauben / vnd irrige meinung weis / das
mit man behafftet / mus er ja solches in
specie thun vnd sagen / hie sein Leute /
welche in dem Irthumb vnd verdamlis
chen wahne stecken / vnd die vber so viel
Predigten / vberzeugen / vermanen / darz
ins

Der Sünden.

innen verharren / die sollen wissen / das sie vom Teufel geblendt werde / die müssen abelassen / sonst wird Gottes Zorn vber sie fallen.

Hieher wird auch gesetzt das schreiben wider die jenigen / so die Göttliche Warheit antasten / Irthumb vnd lügen verteidigen / beschonen / eindringen / weiter ausbreiten / einfeltige betrüben vnd irremachen. Nun ist je ein vnterscheid zwischen denen / so heimlich vnrechte meinung bey sich haben / vnd denen so öffentlich in Irthumb ligen / dieselbigen vorsessiglich behalten / verteidigen / andere auch damit beschmeissen. Von heimlichen kan man ja nichts wissen / vnd mus in gemein dauon reden. Aber wo öffentliche Irthumb eingesseffen / da mus man fürs war also vermanen vnd das predigen das hinrichten / damit man das vnrecht lerne verstehen / den Irthumben wehre / das sie nicht weiter vmb sich greiffen / die armen Seelen dem Teufel der sie bereit angegriffen / aus den henden gerissen werden.

Es sein auch zweierley / aus schwacheit
E 2 einen

Vom Straff Ampt

einen irrigen wahn haben / vnd aus verstocktem vorseziglichem mutwilligem herten vnd fürnemen. Mit den schwachen ist billich gedult zu haben / doch mus straffen vnd stetiges anhalten nicht aussen bleiben / das man solche böse wurzel ausrotte. Den verstockten aber mus man etwas scherpfser mit Gottes wort auff die hauben greiffen / vnd ir nichtiges / ja Gottloses fürgeben also anrüren / das sie es fühlen können / das man sie meine / sie sich lernen bedenkken / vnd andere auch ein abschew haben mögen. Aber es ist zeit / das man gründe herfür bringe vnd höre.

Der Erste ist dieser / das Gottes ordnung / befehl vnd wille ist / in seinem eignen worte klar vnd helle ausgedruckt / das man falsche Lehr vñ Lerer wie die heißen / hohe oder nidriges standes / straffen sol / den für Gott ist einer so gut als der ander.

Ezech. 44. stehet / Die Priester sollen mein Volck leren / das sie wissen vnterscheid zuhalten / zwischen Heiligen vnd Vnheiligen / vnd zwischen reinem vnd vnreinem / welchs in gemein nicht allein
auff

Der Sünden.

auff das Leuitische Priesterthumb gericht
tet / sondern auch auff das ganze Predigs
ampt in der Kirchen gehet / das die jeni
gen so Gott darzu verordnet / leren / wie
man vnterscheiden sol / was heilig vnd vn
heilig / das ist alles was zum Gottesdienst
gehöret / vnd solches dem Volcke deutlich
fürtragen. Nun gehöret ja die Lere am
aller meisten darzu / das dieselbige rein
vnd richtig fürgelegt werde / vnd saget
Gott ausdrücklich / das sie das vnheilige
sollen leren vnterscheiden / das ist falsche
Lerer nicht allein in gemein / sondern in
sonderheit also straffen / das man wisse
was heilig / was Gottes wort / was anzun
nemen / vnd dargegen was vnheilig / was
lügen vnd betriegeren / wo für man sich
fürsehen vnd hüten sol.

Johan. 16. sagt Christus / Der heilige
Geist wird die Welt straffen vmb die sün
de / vmb die gerechtigkeit / vnd vmb's Ges
richte. Da werden solche Lere vnd Lerer
mit eingeschlossen / vnd angezeigt / das es
nicht ein freuelich fürnemen eines Mens
schen / sondern des heiligen Geistes werck

Vom Straff Ampte

selbs sein werde / das er nicht allein in gemein / sondern auch in sonderheit werde die Welt / die voller lügen vnd Irthumb steckt / angreifen / straffen / darmit verdammen / wo sie nicht Busse thut.

Tit. 1. Da Paulus einen Priester beschreibet / wie er geschickt / vnd was sein ampte sol sein / sagt er vnter andern / das er mechtig sey zu ermanen durch die heilsame Lere / Vnd zu straffen die widersprecher / Erstlich aber heißen Widersprecher beide vnter den Pfarkindern / so irrige meinung haben / dieselbigen öffentlich ausgiessen / damit auch andere vergiften / vnd andere welche mit öffentlichen Schrifften sich vermessen betriegliche vnd verfärsche leren zuuerfechten / vñ in andere orter auch auszusprengē. Darnach sagt Paulus die Prediger so im Ampte sein / sie sein Jung oder alt / auff ein dorff oder in einer stadt / sie haben viel oder wenig Taler / sollen die Widersprecher straffen / sein sie noch heimlich vñ ist gute hoffnung der besserung bey ihñ / mit gebürliche verhören / ermanen / vnterweisen / wo sie aber öffentlich sein vñ
vero

Der Sünden.

verstocket / auch auff der Cankel so rüren /
das sie sich selber vnd andere auch sie
leicht erkennen können / vnd wo solches
auch nicht wil helffen mit namen ausdrü-
cken vnd widersprechen / wie die Francofur-
dischen Lerer recht gethan haben / das sie
den Lesterey Thamerum / der auff der Can-
kel rechte Lere vnd Lerer schendete / da er
vorhin genugsam vñ oberflüssig erinnert /
wider auff dem Predigstuel / vnd in Sch-
riffte dem volck genennet / die falsche Lere
mit dem unsinnigen schreyer gewisset / vñ
vermanet haben / das man in mit seinem
Heidnischē fürgeben wolle meidē / bey ver-
lust göttlicher warheit vñ ewiger seligkeit.
Also müssen auch diejenigē mit der lere of-
fentlich auff der Cankel vñ in schriftē ges-
nennet werdē / welche mit irē schriftten vñ
bücher gedeneckē lügen artlich zu ferben / vñ
in andere Kirchē / ja in der einfeltigē herckē
vñ gewissen einzudringen. Denn sol in
widerprochen werden / vnd sie sich selber
namhaftig machen / so mus man ir wider
nicht schönē aus hohem Göttlichē befehl /
sie sein gleich wer sie wolten / Denn daran

Vom Straff Ampt

beide den Zuhörern eines jeglichen war-
hafftigen Predigers / vnd anderer gemein-
ner Christenheit zum aller höchsten geles-
gen.

Tit. 3. Einen Kezerischen Menschen
meide / wenn er ein mal vnd abermal erma-
net ist / vnd wisse / das ein solcher verkeret
ist / vnd sündiget als der sich selbst verur-
theilet hat. Siehe / da sagt Paulus deutlich /
das man die Kezer vermanen sol. Das
vermanen aber begreiffet zwey ding / Erst-
lich anzeigen / was vnrecht sey / vnd dassel-
bige straffen / darnach was recht ist / anzei-
gen / vnd zu demselbigen reizen anhalten
vnd treiben. Sol nu ein Kezer vermanet
werdē / so mus man nicht in gemein allein
sondern in specie am allermeisten im sol-
ches vntersagen / vnd wo er öffentlich /
landrücklich / bekant / auch in der Predigt
vnd Schrifften alles auff in richten / das
er Gottes Geist vnd warheit fühle / vnd ni-
cht gedencke man meine andere.

Galat. 1. So jemand euch Euangeliz-
um predigt / anders / denn das ir empfan-
gen habe / der sey verflucht. Sollen die

Zu

der Sünden.

Zuhörer nun beide Lere vnd Lerer verfluchen / so wider die Lere Pauli anlauffen / so mus klar angezeigt werden / was falsche Lere / vnd warumb sie mit Gottes wort nicht vberlein tresse / es müssen auch die lügenmeuler selber beschriben / genennet / angezeigt / vnd dem Volck verleidet werden. An diesen Sprüchen / welche die fürs genomene frage erkleren / lassen wir vns auff dismal genügen / wenn aber nu gleich kein ander grund möchte erzelet werden / were doch der einige wichtig vnd bestendig gnugsam.

Der ander grund ist / ratio numeris / das ein predigamt solchs mit sich bringet vnd erfodert / wie denn die vorigen Sprüche auch anzeigen / vnd dergleichen mehr / als Act. 20. So habt nu acht auff euch selbst / vnd auff die ganze Herde / vnter welche euch der heilige Geist gesetzt hat zu Bischoffen / zu weiden die gemeine Gottes / welche er durch sein eigen Blut erworben hat. Denn das weis ich / das nach meinem abscheid / werden vnter euch komen grewliche Wolffe / die der Herde nicht ver

Vom Straff Ampt

schonen werden. Auch aus euch selbst wer-
den aufstehen Männer / die da verkerete
Lere reden / die Jünger an sich zu ziehen.
Darumb seid wacker / vnd dencket daran /
das ich nicht abgelassen habe / drey Jar
tag vnd nacht einen jeglichen mit threnen
zuermanen.

2. Timothy. 1. Halt an dem Fürbilde der
heilsamen wort / die du von mir gehöree
hast / vom Glauben vnd von der Liebe in
Christo Ihesu. Diesen guten beylag be-
ware durch den heiligen Geist / der in vns
wohnet.

Aus diesen vnd dergleichen Sprüchen /
könnte man weitläufftig der Prediger ampt
ausstreichen / vnd beweisen / das sie auch
müssen vnd sollen / irem auff erlegten am-
pte nach / falsche Lere / vnd Schwermer in
sonderheit straffen / wollen nur die titel vñ
der namen ein wenig rüren.

Es wird ein Prediger genent ein Lere-
rer. Leren aber das begreiffe zwey ding /
erstlich anzeigen was vnrecht / vnd das
selbige deutlich vnd vnterschiedlich / das
man es erkennen / dafür ein eckel / grawen
vnd

Der Sünden.

vnd abschew bekomen vnd haben kan.
Darnach was recht / warhafftig vnd bes-
stendig also darthun / das ein jedlich fro-
mes herze demselbigen glaubē geben müß-
se. Wie nun in andern künsten / vnd in als-
lem leren / die weise mus gehalten werden /
das man ad speciem mus gehen / vnd müß-
sen falsche wahn sampt den Büchern vnd
derselbigen Schreiber oder Patronen ges-
straffet / widerlegt / vnd verdammet wer-
den / also sol vnd mus es auch im Lereampft
in der Kirchen zughen.

Item / es wird ein Prediger ein Seels-
sorger / oder Hirte der Seelen genennet /
wie nun eine jedliche Weltliche Oberkeit
die auff Leib vnd gut auffsehen sol / wenn
Feindschafft vorhanden / nicht allein in
gemein / sondern auch in specie mus vnd
sol irem volck anzeigen / was es für feind-
schafft sey / wie der Feind mit namen heis-
se / wo er sich pflege zu enthalten / auff
welchen wegen es vn sicher / das man
sich fürsehe. Also mus vnd sol ein jedlis-
cher Prediger / der auff die Seelen bes-
settel

Vom Straff Ampt

Stellet / für dieselbigen Sorge tragen / damit
der Feind die nicht erwürge / vnd demnach
nicht allein seinen Schesslin ansagen / es
sein falsche Lerer vnd Irthumb verhanz
den / sondern auch die in specie anzeigen /
was für betriegeren das sein / wo sie her
fliessen / wie die Bucher titel vnd namen
füren / welche die sein / wie sie heißen / die
solche verfürische Lere treiben / verteidis
gen / gründen / auff das man sich dafür hüt
ten könne. Ein Arzt mus nicht allein dem
Krancken in gemein sagen / was schedlich
sey / dessen sol man sich enthalten / sondern
mus klar sagen / das vñ das ist gift / wo du
das nicht wirst meidē / so wirstu die Franckz
heit vermehren / vnd dich vmb das leben brins
gen. Ein Prediger aber ist ein geistlicher
Arzt / vñ ist vnmüglich / das er der Seelen
könne rahten / was gesund vñ heilsam zum
ewigen leben sey / wo er nicht auch in specie
sagt / der leret nicht recht / dieses ist Irz
thumb / dauon mustu abstehen.

Ein Hirte mus nicht allein recht weis
den / sondern auch auff die Wolffe vnd an
dere Thiere acht haben / vnd wo er die
siehet

der Sünden.

sihet in furchen vnd graben einschleichen/
oder mit gewalt hereinbrechen / einfallen
vnd schaden thun / mus er nicht allein schreien /
es ist gefahr vorhanden / sondern
mus seine stimme vnd stecken auff die Feinde
seiner Herden selber richten / sie mit
dem geschrey zeigen / wegtreiben / vnd wo
es möglich / mit seinm Hirtenstabe straffen
vnd würgen / wie David sagt / er habe einen
Beren vnd Lewen vmbbracht / da er
seines Vatern Schaffe gehütet.

Also mus vnd sol ein Prediger als ein
Hirte der Seelen / die gewlichen fressenden
Beerwolffe anschreien / melden / Lieben
Kinder sehet euch für / es entstehen
mancherley Irregeister / vnd sonderlich
schicket der Papst seine Wolffe hin vnd
her aus / das sie die Herde Christi mit lügen
beschmeissen / vnd ire Seelen morden
sollen / ein solcher Wolff kompt vns nahe /
seheth dort leit er in der furchen / in dem nest
enthelt er sich / zu Merseburg / heisset Mi-
chel Sidonius / der lest Bücher ausgehn /
darinnen er des Papsts gewel schmückt
mit sonderlicher list vnd geschwindigkeit /
da

Vom Straff Ampte

Da laurt er ihund / vnd wie ein hungeriger
Wolff / wartet er auff gelegenheit / das er
heraus wische / vñ seelen aus dem Schaffs
stal Christi raube / indes verzeret er vnd
verwüestet / was er in der nehe vmb sich hat.
Item also sol ein Prediger mit dem stabe
des Göttlichen wortes den Wolffen auff
das fell kloppen / vnd mit dem athem des
mundes sie nicht allein abtreibē / scheuhē /
sondern auch würgen / wie deñ jr vil durch
den Geist des mundes vnd gebett der Pres
diger vnd anderer Christen / getödtet sind /
viel gewaltiger vñ gewlicher / denn wenn
sie durch Schwerdt vnd Menschen hand
weren vmbfomen.

Es werden auch die so im Predigampte
sein / daher genennet hunde / welche dara
umb bey vnd vmb die Herden gestellet /
sein vnd gehalten werden / das sie auff die
Wolffe vnd andere fressende Thiere / auch
auff Diebe sollen acht geben / die mit irem
bellen melden / vnd zu inen zulauffen /
peissen vnd wegtreiben. Also sollen die
Prediger mit Gottes Wort die Diebe /
Wolffe vnd Seelmörder anschreien / sie
damis

Der Sünden.

Damit widerlegen / zurücke treiben vnd ver-
iagen. Vnd beschreibet der Prophet Esa.
15. Die Prediger / welche sein können das
maul halten / oder so leren / das niemand
getroffen wird / ob gleich die Seelreuber
vnd Mörder vorhanden / einfallen / schas-
den thun / mit gar heftlichen Worten / das
er sagt / Alle ire Wechter sind blind / sie
wissen alle nichts / stumme hunde sind sie /
die nicht straffen können / sind faul / liegen
vnd schlaffen gerne. Solche stumme huns-
de / welche die Herde lassen grausam zus-
reißen / vnd sie schweigen stock stille dazu /
sind gewislich nicht werd / das sie Brot es-
sen / vñ was der Hirte mit solchen machen
würde / ist leicht zu gedencke / als das er sie
als vnnütz / dem Schinder würde vberantz
worten. Also nennet Gott die Prophe-
ten vnd alle Prediger Speculatores /
Wechter / Auffseher / wie nun einer der
auff eine Warten oder Landwehr gestelt
let / oder auff ein Thorhaus oder Thurm
gesezet / mus die Feinde / Feuer vnd an-
dern schaden anzeigen / vnd nicht allein
schreien / es ist gefahr fürhanden / sonderis
da

Vom Straff Ampt

Da kompt der Feind auff der strassen / mit solcher krafft / vnd wo er inen kennet / mus er auch sagen / es ist der Tyrann / Item mus nicht allein Fewr fewr ausruffen / Sondern an dem ort der Stadt / in der Gassen / in des Bürgers haus / so viel er nur ersehen vnd erkennen kan / damit ers auffß deutlichst mache.

Also gebüret ein trewen / vleissigen vnd rechten auffseher der Christlichen gemeisne / das er die falschen Lehr vnd Lerer mit namen ausdrücke / vnd warne / das man nicht vmb die Götliche warheit / vmb vnser besten freihaiten / vmb der Seelen seligkeit kommen möchten / da sol man waschen / die Thor zuhalten / vnd weren ein jeglicher nach seinem besten vermügen / denn solches ein schaden were ober alle schaden.

Solches bringen auch die andere Namen / Bischoff / Superattendent vnd dergleichen mit sich / denn was sol man auffsehen / wenn man nicht lügen vñ Lügner / Abgötteren vnd derselbigen knechte / Patronen vnd fürderer / zeigen / angreifen straffen

Der Sünden.

straffen vnd verdammen sol? Der dritte / Es hat Gott bisweilen sonderliche Helden erwecket / dieselbigen mit seinem Geiste vnd gaben / mit einem starcken glauben vnd muth also zugerüstet / das sie als Hauptleute / vnd Herfürer haben sollen forne an der spizen gehn / vnd eingerissene Irthumb / vnd Abgötterey / sampt der selbigen Stifter / Lerer vnd fürderer / nicht allein in gemein / sondern am aller meisten in sonderheit straffen / vrteilen vnd verdammen / Also wird Jeremias beruffen / Sihe ich lege mein wort in deinen mund / Sihe ich setze dich heute dieses tages vber Völcker vnd Königreich / das du ausreißen / zubrechen / verstoren vnd verderben solt / vnd bawen vnd pflanzen / welches nicht von Weltlicher macht / sondern wie vorher gehet / vom worte so im befohlen zuuerstehn / Ob gleich nun solches sonderliche beruffung gewesen / ist doch das Predigamt einerley vnd gleich / das Gottes Wort in gemein vnd in sonderheit zu straffen vnd zu lehren / einem jeglichen Prediger befohlen.

D

3. Reg.

Vom Straff Ampe

3. Reg. 13. Strafft ein Prophet nicht allein in gemein / sondern auch in sonderheit / die Abgötterey Hieroboam / das ers anhöret / vnd verkündiget straffe / vñ wird darnach derselbige Prophet erwürget / das er dem befehl des Herrn nicht in allem nachsetet. Dergleichē straffet auch Ahias der Prophet die Abgötterey Hieroboam. Jehu straffet Baasa den König Israels ins angesichte. Elias straffe Achab vnd sagt / Tu vnd dein Haus verwirren Israels / damit / das jr des Herrn gebott verlassen habt / vnd wandelt Baalim nach. Darnach tritt er zu dem Volck / vnd spricht / Wie lange hincket jr auff beiden seiten ? Ist der Herr Gott / so wandelt im nach / Ist aber Baal / so wandelt im nach. Die Gesellen Danielis sagen Nebucadnezar frey vnter augen / Wir wolten deine Götter nicht ehren / noch das golden Bilde / das du hast setzen lassen / anbeten / das war eben so viel gesagt / Du König bist ein Götzknecht / hast den waren Gott verlassen. Esaias darff frey mit den vng gehaltenen Worten heraus faren /

Hör

der Sünden.

Höret des HERRN Wort / jr Fürsten
von Sodom / Nim zu ohren vnfers Gotz
tes Gesez / du Volck von Gomorra /
Das sein dieselbige zeit nicht gemeine
Predigten gewesen / sondern haben der
zeit Könige vnd Volck getroffen / vnd
hat der Prophet eben mit den Sünden
der ersten Tafel vmbgangen.

Also auch springet Jeremias mit Stis
feln vnd Sporen drein / vnd lencket sei
ne rede auff gewisse König vnd Volck /
Saget / Ir seid viel erger denn ewre Bes
ter / vnd nennet sie mit scheusslichen / heßs
lichen namen / gleich also thun die andern
alle.

Johannes der Teuffer straffet nicht als
lein in gemein des Jüdischen Volcks Ira
thumb / sondern fert in gar redlich abe /
in sonderheit frey öffentlich bey jederman /
das er sage / Ir Ottergezichte / wer hat
den euch geweiset / das jr den fünfftigen
zorn entrennen werdet. Christus straffe
ja mein ich auch Jerusalem / Phariseer /
Schriftgelerten / falsche Lere vnd Gots
tesdienst gewaltig / das sie es wol vers

477

D 2

stans

Vom Straff Ampt

standen vnd gefület haben / Stephanus /
die Aposteln sagen zu den Jüden / Ir seid
die jenigen so Christum Gottes Son/den
Heiland der Welt am Creutz erwürget
habet / vnd in Irthumb bis vber die ohren
versuncken seid. So haben alle frome Les
rer der Kirchen auch hernach gethan / das
sie ir ampt ad speciem haben gerichtet /
welches zu erzelen hie zu lang sein wolte.

Ja das sein andere Leut gewesen / sag
stu / vnd haben solches aus sonderlichem
beruff thun müssen? Antwort / ob sie gleich
höhere gaben gehabt / vnd bisweilen in
Weltliche Regiment haben müssen weiter
greiffen / so ist doch das Lehrampt einers
ley / also das der armeste Pfarher / eben
das Wort aus Gottes befehl predigen /
das Gesetz seinen Leuten scherpfen / vnd
das Euangelium treiben sol / wie Esaias
oder ein ander / ob er gleich Esaias in gaben
nicht mag gleich sein / vnd wie sie an ges
wisse örter sein gesand one mittel / also
werden auch wir armen Pfarherlein an
gewisse örter durch mittel von Gott vers
ordnet / das wir da Gottes Wort zu des
orts

der Sünden.

ores Menschen lencken vnd applicirn sol-
len / vnd darnach auch mit Schrifften
nach erforderung der sachen gleichesfals
dienen.

Ja sagen sie / den alten Pastorn ist wol
etwas erleubet / aber das gebürt nicht von
stund an den jungen Theologen / welchen
kaum das gele ist vom schnabel gewischet?
Antwort / ob sie gleich jung von alter / so
ist doch das Ampt / darinnen sie sein / das
wort / das sie führen / vnd der jenige so sie
beruffen / alt genugsam / vnd was den als
ten geziemet bey irem zuhörern nach Got-
tes Wort zu straffen / das gebürt auch den
jungen bey iren Schefflein gleicherweise.

Der vierd grund ist die notturfft der
jenigen / welchen man in seinem beruff /
Gottes wort fürtragen / den weg der Ses-
ligkeit weisen / vnd für alle dem jenigen / so
inen am ewigen leben schaden thut / war-
nen sol / Denn es können in die Leute wol
selbs ein falschen wahn machen / vnd weil
der Teufel vns mit seinen lügen gar durch-
gossen hat / wie der Psalm sagt / Alle mens-
chen sind Lügner / haben wir auch zu Ir-
thumb

Vom Straff Ampt

thumb von natur lust vnd liebe / denn sie
sein nach vnser Vernunft geschnitten vnd
gemachet. Darzu so werden viel scheuss-
licher lügen vnd Irthumb bisweilen sein
subtiel vnd behende / vnd mit einem anse-
lichem scheine fürgeben / das auch schier
die jenigen / welche zimlich gegründet
sein / zweiffeln / hincken / vnd ehe sie sich
vmbgesehen / mitten drein gefallen vnd
vertieffet sein.

Weil denn da nicht alle gleich geschick-
cket sein zu vrteilen / vnd falsche Lere viel
mehr vnd behender vmb sich frisset / besch-
meist vñ verderbet / denn keine Pestilenz /
Vnd die Seelsorger / wie oben gemeld /
sollen Bechter sein / reine Lere vnd reine
Gewissen bewaren durchs Wort / so ist
von nöten / das frome / vleissige vnd treu-
herzige Prediger zum aller höchstē falsche
Lere vñ Lerer so eigentlich / so grob / so ver-
stendlich als sie jmer können / straffen / vnd
anzeigē / auff das ein jeder greiffen möge /
was Göttlichem worte gemess / was ime
zu wider / für welchen leutē / Lercern / Sch-
riffte / büchern / man sich fürschen vnd hüt-
ten solle.

Wo

von der Sünden.

Wo aber das nicht solte geschehen / sondern man solte entweder stille schweigen / oder feinsleise vnd gemacht faren / vnd die Secten / Wotten / Irregeister / mit iren verfürischen Leren vnd Schrifften nicht angreifen / widerlegen / dafür warnē / wie bald konte der Teufel einschleichen / weil die herten sonst dazu geneiget sein mehr denn zu viel / wie gesagt. Es hat one das mühe gnugsam / wenn man gleich ernstlich vnd emsig straffet / wie denn die erfahrung etliche Jar anher vns in die hende gangen. Vnd wo die Prediger in dem stücke irer Zuhörer vnd andere / denen sie dienen solten / versumeten / was würden sie wol für ein Urteil von Gott empfangen? Man hette es ohne zweiffel nicht können geschwinder angreifen / denn das man in vorlauffenen Jaren verbott dem Papst das Interim / Adiaphora (die an einander wie ein Krötengerecke dazumal hiengen) Sidonium vnd andere weder auff dem Predigstuel / noch in öffentlicher Schrifften zugedencken noch zu straffen.

Vom Straff Ampt

Denn mit der weise/ were der arme gemei-
ne man/ ehe er sichs versehen/ vberaschelt
worden/ vnd vmb die Warheit komen. Es
war auch eine scheussliche straffwürdige
vergessenheit vnd Kleinmütigkeit / das die
grösten Hunde/ die fürnembssten Bechter
der Kirchen / alle stum wurden/ vnd sol-
chem vnchristlichen / Gottlosen/ verderb-
lichen begeren gehorsam leisteten. Ja auch
andere Lerer/ welchen Gott einen Christ-
lichen vnd nötigen euer vnd beständigkeit
verliehe / darüber getrost anschraubeten/
abeschrecketen / bedreweten / brachen vnd
hinderten notwendige bekentnis / denen so
zagt holeten / wurde geraten / sie solten
schweigen / sich drücken / alte Historien
applicirn/ des Papsts/ des Interims/ des
Teufels vnd seiner Mutter nicht geden-
cken / die andern so trost sucheten / weil sie
mit gutem gewissen nicht konten schweis-
gen/ vnd derwegen von Tyrannen bedren-
get wurden/ den leuchteten die Theologen
also aus / das sie mit threnen vnd herlis-
chē seuffzen mussten abscheiden/ gleich als
betten sie grosse Sünden begangen. Der
wes

Der Sünden.

wegen auch an manchen orten / das Ines-
rim / Adiaphora / Bapstumb mit vollem
gewalt einbrach als in ledige Heuser / da
niemand ein wörtlein wider hette reden
dürffen / Ach Herrgott wie grausamen
schaden hat das gethan / wie manche See-
len hat es gekostet / das es denselben Gott
vergebe / wolt Gott es könnte inen ire sün-
de leid werden / denn es hoch an der zeit / das
mit der Son Gottes nicht am Jüngsten
Gerichte dürffte ein zeter geschrey vber
solche gehen lassen.

Wir geben gerne zu / das lestern vnd
schmehen / vnrecht vnd strefflich sey / aber
ir klugen / hochuerstendigen reformirer
vnd meister des Kirchenampts / sagt vns
eins / heist das eigentlich schmehen / falsche
Lere vnd Lerer deutlich vnd klar straffen /
vnd verdammen nach vnd mit Gottes
wort? Hat Christus vnd Johannes die
Phariseer geschmehet oder mit rechtem
ernst vnd euer gestrafft / da sie dieselbigen
Ottergezichte heissen / straff verkündigen /
wehe vber sie schreien / heissen jederman
sich für inen hüten? Desgleichen haben

D 5

die

Vom Straff Ampte

die Propheten die Gottlosen Herrn geschmehet / wenn sie ihre Abgötterey nach Gottes befehl vnd wort straffeten? Schmehen heisset ja wie wir nicht anders wissen / mit vnwaren Worten / vnd aufflagen / eine Person wider recht vnd ausser dem beruff beschweren / Straffen aber im Predig ampte vnd in diesem stücke / heisset falsche meinung / Lere / Schrift / nach vnd mit Gottes Wort / sampt denen / so inen ansehzig / anzeigen / vrtheilen / verdammen.

Es ist ja frecheit zu reden / das man ohn allen grund viel plaudert / alleine die zeit mit hinzubringen / nicht zu loben. Aber mit beständigem vnd gewissem grunde / vnrechte Lere vnd Lerer / auch in specie angreifen / widerlegen / vnd dafür warnen / ist keine frecheit / heisset nicht für die lange weile schelten / vnd vnnütze sein / vnd die zeit zubringen / sondern nötigen bericht thun / damit man Irthumb meiden / vnd bey reiner erkantter warheit bleiben / den Teufel hassen vnd Christum lieben könne. Es gehöre ja zu dem Lere ampte
diese

von der Sünden.

Diese stück / geschicklichkeit oder verstand in
Gottes Wort / vnd was dem entgegen /
wissen zu unterscheiden. Darnach ein an-
sehen / Das man nicht aus leichtfertigkeit
thue oder rede. Zum dritten ein rechter
bescheidener euer / vnd ob man gleich offe-
mus sagen / der Papst mit seinem ganzen
Reich / allen gliedern / Lere vnd Gottes-
diensten / ist der rechte natürliche / eigent-
liche Antichrist / ein abgefeymbter Gottes-
lesterer / ein Cloaca / darinnē viel Legionen
der Teufel wohnen / so mus man doch bis-
weilen auch grund vnd ursache herfür brin-
gen / damit mans weise vñ warnache / vnd
kan kein Mensch auff Erden / von wegen
des gewels / damit er verwüestet die Kir-
chen Gottes / Gewissen / Land vnd Leut /
genugsam zürnen / darwider predigen /
straffen vnd verdammen / niemand kan in
so heftlich malen / es ist tausentmal mehr
von nöten.

Es diene aber / sagen sie nirgend zu /
denn das die hohen Stende mehr verbit-
tert werden / vnd man allerley vngnad
vnd Verwüstung sich befahren müsse
Ey

Vom Straff Ampte

Ey jr lieben grossen Herrn / wie wolte
man euch kennen / wenn jr nicht so thetet?
Sehet in die H. Schrifft vnd in die His
torien / wie allewege die grösten Tyrans
nen vnd Verfolger der Christenheit / rech
te heilsame Lerer beschuldiget haben / sie
richteten Auffrhr an. Solte man denn
schweigen / Gottes Namen lassen einen
freien pass vnd lauff haben? Summa sol
tenn wir des Teufels vnd seiner Diener
schonen? O lieben Herrlein / habe ache
auff die schanz / das jr die nicht verlieret /
es ist kein Lockenmenlin / mit welchem jr
so wolt spielen / es gilt nicht Birn oder
Nüsse oder auch Hauss / Forwerck / Sted
te / Schlösser / Lender / sondern etwas hos
hers vnd mehrers / vnd wenn gleich der Lus
cifer in der Hellen drumb zürnet vnd vns
gnedig würde / füre heraus vnd sprüete ei
tel hellisch sewer vmb sich / vnd verbrente
auff einen hauffen euch vnd alle Flügling
wider das Göttliche ampt / so müste man
dennoch Irrthumb vnd Irwische strafs
sen. Item / wenn man gleich solte drüber
verlieren / ehr / gewalt / gut vnd blut / vnd
der

der Sünden.

Der Himmel auch selbst solte einfallen / so müste man dennoch Gottes lesteren sampt den Gotteslesterern straffen.

Sie wissen auch das mit spöttischen vnd spizigen Worten herfür zubringen / Es sey ein mechtiger grosser vbelstand / das sich die Lerer in der Kirchen also schelten / wie die Bademeade oder Holthipler. Antwort? Aus Ehrgeizigkeit oder Rachgierigkeit / one wichtige Ursache solches thun / Ist vnrecht / ergerlich vnd schedlich. Aber sol lesteren vnd Reser / lügen vñ Lügner / Seelmorderen vnd Seelmorder straffen / nun schelten / holthipeln / schmehen heissen? Dürffet ir Gesellen auch mit solchen groben / greifflichen / vnbillichen verleumbden vnd beschwerungen ewer Christlich vnd ehrlich herke wol blicken vnd vermercken lassen / was ir von Gott / seine Wort / dem Himmel oder der Hellen haltet / nemlich / nichts vberal? Man pfleget sonst in gemeinen Sprichwort zu sagen / Am gesange kent man den Vogel / aber vberley dauon genug.

Aus diesem allen können wir nicht anders

ders

Vom Straff Ampt

ders schliessen / denn das man nach Gottes
Wort / seinem befehl / nach erforderung
des Predigampts / vnd nach notturfft der
Lente / falsche Lere vnd Lerer deutlich / aus
drücklich / mit namen straffen mus vnd
sol / Gott gebe die fluge Frawe vernunfft
vnd die weise Welt / wie sie denn gar
mechtig gros lob (hinder sich) in heiliger
Schriffte beide haben / sagen / singen oder
klingen darzu was sie wollen. Demnach
mus man Bapst / Carpinel Bistöpffe /
Baalspfaffen / Thumhern / Mönche /
Nonnen / mit iren Messen / heulen / plar-
ren / schreien / schreiben / vnd allem irem
fürgeben straffen. Dergleichen / auch was
aus dem brunnen herquilt vñ fließet / In-
terim vnd Adiaphora / welche daraus dies
selbige zeit / in solcher gelegenheit der sachen
kamen / Also mus man Stenckefeld
samt seiner Epicurischen Widerteufferis-
sche / vñ Gotteslesterischen Lere straffen /
vnd sollen das die jenigen / bey oder vmb
welche sich der unsaubere Vogel entzelt /
vñ schaden thut / am aller vleissigste thun /
damit dem Reich Christi vnd der warheit
nicht

341
von der Sünden.

nicht ein abbruch geschehen mochte / vñ als
so fort auch andere / vñ nicht sich mit dres
wen abeschreckē / eintreiben vñ schweigen
lassen. Ehe ich nu zum andern stücke schrei
te / mus ich noch eins zuuor erinnern / nem
lich das aus oberzelten vrsachen auch folg
gen wil / das die Theologi oder so im pres
dig oder Lereamt sein / nicht Christlich da
ran können handeln / das sie nicht einen
richtigen bescheid von sich geben wollen /
weñ sie vmb streitige sachen gerahetfraget
werden / sondern entweder mit vppischen
worten vnd schnarcken arme leutlein abez
weisen / oder geben eine solche antwort / dar
aus man weder ja noch nein nemen kan /
vnd mus im zweiffel hangend bleiben / wie
gleichwol diese Jar anher offte begegnet /
vñ auch vielen sehr vbel nachgesaget wird.
Es ist ja Gottes befehl / das die Lerer / vnd
sonderlich welche eines fürnemen anse
hens in den Kirchen / sollen denen so fras
gen / gütelichen vnd Christlichen beschei
d geben / rund vnd klar sagen / was
Göttlichem Worte gemes / vnd was man
nach demselbigen thun oder lassen sol. Es
ist

Vom Straff Ampt

ist ja die sachen an sich selber nicht alleine wichtig/sondern auch also gethan / das sie nicht wil im maule verbrochen / sondern frey vnuerholen / vnd deutlich heraus gesaget sein. Es fragen ja nicht alle aus bösem herzen oder aus lust mehr vnflug anzurichten / des genugsam gewesen / vnd zwar noch verhanden. Sondern das ire Gewissen vnd anderer entlediget / vnd irrige sachen geschlichtet vnd beygelegt mochten werden. Es ist ja ein jeder Christ schuldig rechen schafft seines glaubens / vnd des / das recht ist / so es ein ander von ime fodert / zugeben. Es sollen ja die Liechter / die hoch entpor von vnserm Herrgott gesetzt sein / am allermeisten scheinen vnd leuchten / wenn solche dicke scheussliche vnd schedliche finsternis einfielen. Derwegen solche vnzeitige Welt weisheit / wo es nicht eines ergern namens würdig / gar nicht zu loben / vnd solte billich heißen / Ewer rede sey ja/ ja / nein / nein / aber das sol alles sonderliche klugheit sein / vnd sol solch wunder schaffen / dergleichen nie erhöret / wolan so mag es auch der Welt so sein vnd bleiben /

Gott

Der Sünden.

Gott vnd die albern Christen könnens nicht recht heissen / vnd achten es für eine Sunde / die man Gott abbitten solle / oder es wird straffe folgen.

Zum andern ist die frage / ob man auch die andern laster / Sünde vnd Sünder in der Welt / also möge oder solle straffen in allen Orden durchaus / das man nicht allein in gemein / sondern auch in sonderheit dasselbige thu / vnd lencke die wort dergestalt / das man bey nahe mercken könne / wer vnd was gemeinet vnd getroffen werde / vnd in erfoderung der notturfft / auch Personen öffentlich nenne / doch das es ordentlicher weise geschehe / vñ das man darinnen besserung der Personen / vnd der Kirchē fromen suche? Man mus aber sonderlich wol hie acht auff die sachen haben / damit man die hende nicht verbrenne / vnd wird billich eine fürsichtigkeit vnd bescheidenheit in solchen sachen erfodert / das man ime nicht zu viel oder zu wenig thue / nicht gar stum / hinlessig vnd vnachtsam sey / auch nicht sich mit geschwindigkeit / wo es die not nicht so gar nicht erfodert /

¶

vers

Vom Straff Ampe
vergreiffe. Dieweil denn sehr schwer ist
in solchem stücke mass zu geben/ sol ein jes
der selbst/ Gottes Wort/ sein vnd andere
Gewissen vnd die notturfft erwegen.

Es sein aber zweierley art/ Sünde vnd
Sünder / etliche sein heimlich/ vnd vnbes
fant/ da heist es *de occultis non iudicat Ecclesia*,
nach gemeiner rede / da mag das straffen
auff dem Predigstuel vnd im ampte Göt
liches wortcs in gemein schallen / wen es
trifft der neme es an. Daher gehört/wenn
auch die Sünde noch zweiffelhaftig vnd
allein/da man die Sünde in Predigten in
alle wege straffen sol vnd mus/ auch in ges
mein Personen rüren/ es sollen allhier et
liche sein / welche dem Bapstumb anhan
gen/welche gar nicht oder selten zum Sas
rament gehen/ zeuberer treiben / Eltern
vngeschor sam sein/in Ehebruch/Hureren/
liegen/geizen/wucherer/ leben in hafs vnd
neid / welche mit den Sünden behafftet/
sollen busse thun / denn es heist / die solchs
thun / werden das Reich Gottes nicht bes
sizen.

Es

der Sünden.

Es haben auch Seelsorger macht vnd
müssens thun / das sie in der Beicht solz
ches in specie rüren / die rede gehet von dir /
in der Sünden soltu ligen / wo deme also /
vermane ich dich du wollest dir sie lassen
leid sein / bey Christo vergebung suchen /
vnd dauon abelassen. Item wie ein Christ
den andern zuermanen recht hat / Also
wil es viel mehr Predigern gebüren / das
sie auch außserhalb der Beichte / die anre-
den / von welchen ein böß geschrey auß-
komet / vnd sie zur Busse vermanen.

Darnach sein öffentliche Sünde vnd
Sünder / etliche die sich beferen / wo sie
gestrafft werden / etliche die auch darinn
nen halstarrig verharren / verteidigen die
Sünden / geben böß Exempel / thun groß
sen schaden. Die da nu sich bessern nach
geschehener Sünde / sind auch zweyerley /
etliche welche gar gröblich gesündigt / als
reine Lere mit Schrifften oder Schwerde
angefochten vnd verfolget / in Ehebruch ge-
fallen / Jungfrawē geschwechet / ein more
begangē / da mus die sünde vñ Sünder der
E 2 mass

Vom Straff Ampt

massen beschrieben vnd gestraffet werden /
das man die Sünde verstehe / vnd abnes-
men könne / wo solches hingelange / vnd
weil sie mit irer that die Kirchē geergert /
soltten sie billich auffss wenigst einmal sich
selber lassen nennen / vnd die Prediger
drob halten / das es geschehe / vnd das dar-
umb / damit das Volck ermanet würde für
sie zu bitten / vnd auch zugleich gebeten
würde / das es solch gegeben ergernis dem
Sünder vergeben wolte. Solches gerei-
chet nicht zur schande / sondern zu ehren
bey Gott vnd Menschen. Sonst wenn
solche Sünden sein so stille vnd verschwie-
gen hingehen / kan man nicht wissen / obs
dem Sünder leid sey / vnd nemen andere
auch freiheit daraus zu sündigen / des denn
die Prediger auch zum teil schuldig wer-
den mit irem vermenteln. Vnd solte auch
billich das Predigampt darinnen etwas
scherpffer sein / dieweil Weltliche Ober-
keit solche öffentliche Sünden / wie sie doch
zuthun schuldig / frey lassen hingehen / son-
derlich Ehebruch vnd Jungfraw schens-
den / vnd werden solche Sodomitische sün-
den

Der Sünden.

Den allenthalben so gemein / das sie bis in
Himmel schreien.

Etliche aber sind öffentliche Sünde
vnd Sünder als die in hass/neid/fluchen/
lügen / betriegeren ergriffen werden / wel-
che Sünde auch Weltliche Oberkeit ernst-
licher / denn geschihet / straffen sollte / ja sol-
chen mus fürwar das Predigamt auch
mit Gottes Wort straffen / das man sün-
de erkennen / vnd ob wol die Personen so
sich bekeren / nicht öffentlich pflegen / ge-
nennet zu werden / doch sol vnd mus ein
Prediger die Sünden stets straffen / auch
nach gelegenheit / die wort so richten / ob
gleich die personen verschwiegen werden /
damit man den sachen nachdencke / das es
nicht den Türcken / sondern der Gemeine
geprediget werde vnd gelte.

Wie sol man aber gebaren mit denen
Sünden vnd Sündern / so öffentlich /
Landrücklich vnd fast jederman bekande
sein / darzu die Theter nicht dauon abes-
lassen wollen / trogen Gott / die Prediger
vnd Weltliche Oberkeit ? Da sollte es ia
billich heissen / Zu einem harten holze / ges-
hört

Vom Straff Ampte

hört ein starcker keil. Matth. 18. sehet
Christus eine Regel / vnd saget / das man
nach geschehener / gnugsamer vermanung
der Gemeine solchs ansagen sol / vnd den
Sünder wo er sich nicht bessert / als ein
Zölner oder Heiden halten. Dieses leit
jetzund ganz vnd gar darnider in der Kir-
chen / wolt Gott man könte ein mal sich
des stücks in wolgeordneten Kirchen ver-
gleichen. Denn weil kein Ban / nach der
ordnung vnd einsetzung des Herrn Chris-
ti im schwang gehet / reissen je lenger je
greulicher Sünden ein / welche one zweis-
uel Gott im Himmel hoch erzürnen / vnd
vieler schwerer straffen ein vrsache sein /
die man jetzund ein wenig fület / vnd viel-
leicht der nachdruck grösser erfolgen wirt.
Es solten auch Weltliche Regenten / das
ire daben thun / aber da schlefft es alles / nie-
mand wil der Ragen die Schellen anhen-
gen.

Aber wie in andern stücken / also mus
gleichwol die ernstliche straffe im Predigs-
ampfte mit vnd durch Gottes Wort nicht
aller ding aussenbleiben / sondern emsig
ges

Der Sünden.

getriebe werden / damit die Sünden nicht
größer werde / vnd müssen fürwar die
Prediger hart wider hart sein / wie man
im Sprichwort saget / vnd wie ein grosser
schaden grössere pflaster / starcke trenck /
starcke purgation / also bedürffen grosse
Sünden / wolgescherpffte vnd durchschnei-
dende Predigt / welche nicht allein in ge-
mein / sondern auch auff Sünder vnd
Sünden gerichtet sein / damit die Zuhörer
was man straffe mercken können / vnd
wo es zu viel wil werden / vnd zu grosser
nachteil Gottes ehren vnd seiner Kirchen
gereicht / so mus auch die Person ange-
zeigt werden / ob solches etwas zur besse-
rung oder verhinderung anderer scheden /
dienen möchte. Vnd ob man gleich etlich
personē faren mus lassen / gleichwol sollen
vñ müssen die Sünden stets nach gelegen-
heit angezeigt vnd verdampft werden. Ich
wil aber nun etliche gründe vnd vrsachen
setze / damit die Weltweisen dennoch sehe /
das die Prediger nit aus irem eigenē für-
nemē / oder aus mutwilliger frecheit / son-
der aus krafft vñ befehl göttliches worts /
E 4 rechts

Vom Straff Ampte

recht vnd macht haben / die Sünden vnd Sünder nicht allein in gemein / sondern auch der gestalt zu straffen / das man wisse was vnrecht / vnd die jenigen so in den Sünden stecken / auch dencken können / das sie mit getroffen werden / ob gleich der name der Personen nicht allewege / wo es nicht die hohe notturfft erfordert / aussgedrucket wird / vnd nicht jederman gedencke / es gehet den Nächsten bey mir an / vnd mich nicht. Es werden aber die verstandigen / vns in deme / wie auch in andern / etwas zu gut halten / das wir einfeltig mit der sachen ombgehen / denn wir nicht allein gelerte / sondern auch viel vngelerte Richter / vnd am meisten in der sachen one zweiffel haben werden.

Esai. 58. Ruffe getrost / schone nicht / erhebe deine stimme wie eine Posaune / vnd verkündige meinem Volck jr vbertreten / vnd dem hause Jacob ire Sünde / In dem Spruche befiehlt Gott nicht allein in gemein / sondern auch in specie die Sünden zu straffen befohlen hat / auff das sie erkennen / was sie thun / wie tieff sie in die Sünden

den

Der Sünden.

den gefallen vnd abelassen / vnd ist solches ein befehl / welcher das ganze ampt Göttliches wortes betriefft / dergleichen sagt Weas am s. Ruffe laut / wie eine Posau- ne / vnd sprich / Er kompt schon vber das Haus des Herren / da Gott beide in sonderheit die Sünden heisset anzeigen / vnd auch die straffe mit frembden völkern.

1. Tim. 5. Die da sündigen die straffe für allen / auff das sich auch die andern fürchten / Dieser Spruch hat zwey für- nemlicher teil / eines / das die so im Predig ampte sein / sollen Sünde vnd Sünder für meniglich / das ist / frey vnd öffentlich straffen.

Das ander ist eine ursache / warumb es geschehen sol / als das auch anderen solche ernste straffe von nöten / beide sich zubeker- ren / vnd auch hinforter für den Sünden ein abschew zu haben. Denn wo keine straf- fe der Sünden ist / da gehet man blind hins- an / vnd folget fleisch vnd Blut / dem Teu- fel vnd der Welt / denckt nicht ein mal an Gottes zorn / an künfftige straffen zeitlich vnd ewig.

E 5 2. Tim.

Vom Straff Ampte

2. Tim. 4. So bezeuge ich nu für Gott
vnd dem Herrn Ihesu Christi / der da zus
künfftig ist zu richten die lebendigen vnd
die Todten / mit seiner erscheinung vnd sei
nem Reich / predige das Wort / halt an / es
sey zu rechter zeit / oder zur vnzeit / straffe
drawe / mit aller gedult vnd Lere.

Siehe / wie ein mechtiger ernst ist es
Paulo / vñ vnterricht hie nicht allein Tim
otheum / wie er in seinem ampte sich ers
zeigen solle / sondern zeigt dem ganzen
Predigampte an / wie man sich darinnen
verhalten solle. Erstlich aber so helt er im
das Jüngste Gerichte für / das er in bes
trachtung desselbigen ime sein ampt einen
lautern ernst lasse sein / vñ dencke / da wer
de es am Jüngsten tag alles offenbar /
vnd rechen schafft erfordert werden. Dar
nach befiehl er / das alle trewe vnd Gottes
fürchtige Lerer / sollen Gottes Wort treis
ben mit einem hohen euer / nicht allein
wenn es wol zugehet / vnd kein gefahr ver
handen / Sondern auch wenn die Welt
gleich dawider wutet vnd tobet / vnd die
Weltweisen / vnd höchsten Theologi das
für

der Sünden.

für achten / es sey jekund nicht zeit vnd ges
legenheit / das man wie zuuor so offentlich
vnd mit der Schrifft heraus fare / die warz
heit one schew sagē / sondern man mus ein
wenig hindern berge halten / temporisirn /
bis die böse zeit für vberauschet / als denn
mögen sie sich wider auff die bahne machē.
Ja den ist es am aller meisten von nōtē lie
ben Herrn / das man anhalte mit predigē /
straffen / drowē / gleich wie man einē hause
mit stüßeln mus zu hülffe komē / wen es an
hebt sich zu senckē / einē Schiff / wenn es an
sehēt vnterzifarē / ehe es hinab in abgrund
felleet / Darnach were es zu lang geharret.
Lieber ist S. Paulus nicht ein störrischer
Prediger gewesen / wenn er diese verganz
gen Jar hette sollen leben / wie wolte man
wol mit ime gefaren sein? Ich hette sorge /
er würde junge Nerones genug gefundē ha
ben. Wolan jr lieben Zünckerlein / vnd du
zarte welt / endert getrost solchē befehl / vñ
greiffst dem H. Geist fredigilich ins maul /
das jm die zeeke krachen vñ blutē / es wird
sich einmal finden / das solt jr gleubē sich
erlich. Aus diesen sprüchē sol man Gottes
befehl

Vom Straff Ampt

fehl / ordnung vnd willen erkennen / das
Prediger Sünde vnd Sünder auch müs-
sen straffen in sonderheit.

Zum andern bringt das Predigampt
solches mit sich nach anzeigung Göttli-
ches wortes. Denn Christus befiehlt zu
predigen in seinem namen busse vnd verge-
bung der Sünden / das ist / es sol nicht als
lein die gelinde / freundliche Trostpredig-
schallen / sondern auch die straffpredigt /
nemlich busse / vnd sol die ordnung stets ges-
halten werden / wie es denn die befernung
auch an jr selbs erfodert. Denn gleich wie
ein Arzt mus das böse in einer wunden
wegehen / vnd darnach linde pflaster die zu-
samen ziehen vnd heilen / aufflegē / wie der
Samariter / dem verwundten / Wein in
die wunden goß / damit der eyter ausge-
reiniget würde / vñ darnach auch öle drein
schüttet / damit die schmerzen gestillet /
vnd gesund fleisch hernacher wüchse / Also
mus das Predigampt als eine geistliche
Seelarkney durch das Geses die Sünde
angreifen / auffbeissen / vnd für die Nasen
legen / das man den schaden lerne fülen /
Denn

Der Sünden.

Denn er fast verborgen ist / damit man ach
vnd wehe drüber schreie / für Gottes zorn /
dem Tode vnd der Hellen / darin wir ste-
cken / erschrecken / darnach trost / gnad vnd
heil durch Christum verkündigen / wie nun
ein leiblicher Arzt / nicht allein mus sas-
gen / das ist da vnd dazu gut / sondern mus
applicirn auff den franken / welchen er für
sich hat / auff den schaden vnd auff die wun-
den alles richten / Also mus das Predig-
ampt seinen Zuhörern semplich vnd sons-
derlich dienen. Summa ein Prediger sol
in seinem ampte predigen das Gesetz vnd
Euangelium. Nun gehet das Gesetz ad
speciem / du solt nicht ander Götter habē /
nicht des Namen Gottes misbrauchen /
nicht morden / nicht stelen / nicht liegen /
das mus dir fürgesagt vnd eingetrieben
sein / der du Predig hörest. Also gehet
das Euangelium / Dir sind deine Sünde
vergeben.

Johan. 20. Welchen jr die Sünde er-
lasset / denē sind sie erlassen / Vnd welchen
jr sie behaltet / denen sind sie behalten. In
diesen Worten wird nicht allein die macht
vnd

Vom Straff Ampte

vnd befehl geben in gemein Sünde zuers
lassen oder zubehalten / sondern auch in
sonderheit einem jeden / daraus den folget /
das ein Beichtuater oder Prediger nit als
lein seinē beichtfinde sagen mus / welche die
zehē gebot nit gehalten haben / sind Sünz
der / sonder / du hast sie nicht gehalten / weñ
Gott nach deinē Sünden mit dir wolt ins
gerichte gehen / mustu ewig verdampft sein /
darumb demütige du dich für Gott / vnd
erschrick für seinem grim / vnd wenn auch
das behalten der Sünde geschehen sol / so
mus es ja gewisse personen treffen.

Zum dritten fordert solches nicht allein
die bekerung / wie zuvor gerurt / sondern
die hohe notturfft dieser letzten zeit / der
leuffte / vnd der Leute selber. Es gehet
nun mit der Welt auff dee neige / davon
gesagt wird / das es ein grundsuppe aller
Sünd vnd schande sein werde / vnd hat
sich angespunnen / das man des Euangelij
vberdrüssig vnd ime feind ist worden / das
selbige drehet vnd dehnet nach der Welt
gefallen / nutz vnd fromen. Die Leute
werden frecher / mutwilliger / herter / denn
sie

Der Sünden.

Die etwan gewesen / wie denn die Oberkeit
über die Unterthanen / Herrn vnd Bras
wen übers gefinde / die Eltern über die kin
ger schreien / es wolle sich niemand mehr
ziehen lassen / vnd man sihet wie die höch
sten Sünden vnd bubenstück zu rühmliche
tugendē werden / vnter gros vnd klein / alt
vñ jung / vnd man befließiget sich der kunst
das man den Sünden artlich beschönung
suchet abfal vñ verleugnung / mus heißen /
das Euangelium vñ Kirchen erhalten / die
fromen Prediger veriagen / Christen plas
gen / mus heißen fride gesucht / vñ derglei
chen. Weil denn die welt je lenger je tiefer
öhren kriegt / böser vnd hartneckiger wirt /
so sol vnd mus das Predigamt auch deste
mehr gescherpffet werden / solchem wüsten
wesen / so viel möglich zu wehren / etliche
zur Busse zubringen / vnd doch bezeugen /
wo es gar nicht helffen wil / das man das
Vbel vleissig vnd trewlich gestraffet has
be / vnd Gottes Zorn der thumen vnd töz
richten Welt dester grösser werde. Man
mus auch dem Teuffel ein wenig vnter
augen gehen / vñ seinem fürnemen steuren.
Denn

Vom Straff Ampt

Denn er sekund gar ledig vnd los gehet/
vnd beweiset sich mit seinem toben das er
seine mass für seinem ende wil voll ma-
chen. Es ist ja der trost noch fürhanden/
weil Gott aus sondern gnaden sein liebes
Euangelium nicht ganz lesset ausrotten
vnd tilgen / er wolle auch durch dasselbige
kressftiglich wircken / vnd wider des Teu-
fels vnd seiner Braut der Welt willen / in
diesen Landen ime ein heufflein samlen/
das da ewig bey ime sein solle.

2. Tim. 4. Setzet Paulus wichtige
ursachen / warumb man Predigen / anhalt-
ten / straffen sol / es sey zu rechter zeit / oder
zur vnzeit. Denn sagt er / Es wird eine
zeit sein / das sie die heilsame Lere nicht
leiden werden / Sondern nach iren eige-
nen lusten werden sie inen selbs Lerer auff-
laden / nach dem inen die ohren iucken / vnd
werden die ohren von der warheit wenden /
vnd sich zu den Fabeln keren. Hat aber
der Apostel nicht gleich als mit einem fins-
ger auff unsere zeit gedeutet? Ist nicht die
Oberkeit mit dem Volck so mutig wor-
den / das sie nicht wollen mehr Lerer leis-
den /

der Sünden.

den/welche die Sünde / wie es sich gebö-
ret / mit Gottes wort straffen/ komen sie
nicht vber ein mit denen / dauon Esa. 30.
steht/ vnd schreien einerley wort/ jr seher/
jr solts nicht sehen/jr schawer jr solts nicht
schawen / die rechte Lere / Prediget vns
aber sanffte/schawet vns Teufcheren (das
ist Interim/ Adiaphora vnd was deme ge-
mess)weichet vom wege/ machet euch von
der Bahne/lasset den heiligen Israel auff
hören bey vns? Darumb mus die straffpre-
diget dester stercker gehen / weil falsche Les-
rer sich finden / damit gleichwol etliche
sein/welche sünden anzeigen vnd verdams-
men. Denn wird solches in vnsern landen
auffhören/ wehe vns.

Gott hat auch in diesem ende der welt/
one zweiuell das Euangelium so klar las-
sen an tag komen / vnd so starck predigen/
damit die straffe durch vnd durch gienge/
vnd etliche aus den Reich des Teufels ers-
rettet wurden. Sol nun die freiheit zu
straffen im Euangelio fallen/wie denn bes-
reit mit voller macht angeht/den die gros-
sen Herrn klagen / sie habens lange genug

S

ges

Vom Straff Ampte

geduldet / sie wollens hinforder nicht lens
ger gestaten / es folget auch im werck / das
man einen nach dem andern fenget / bestris
cket / einsetzet / verbeut zu Predigen die
fürnembssten im Kirchenampte bindē / das
newen Predicanten in den ordinationen
ein / man solle niemand schmehen / das ist
niemand mit der Busspredig angreifen /
was hoch dran ist vnd gewalt hat / Wenn
nun das / sage ich / sol auffhören / so wird
vns das Euangelium ganz vnd gar ver
leschen / als ein liecht / das kein enthalt
mehr hat. Gott wolle ein gnedig einsehen
haben.

Zum vierdten / haben alle rechtschaffene
Prediger von anfang der welt müssen die
se straffpredig führen / vnd die auff gewisse
Leute vnd Personen ziehen. Siehe doch
wie die Propheten speciē gepredigt ha
ben alle durchaus / wollen nur jekund ein
exempel oder zwey den Hoff Jünckerlein /
vnd Weltflüglingen erzelen / denn welche
nur lesen mögen / die finden der genug in
allen Propheten. Nathan sagt zu Da
uid / Du bist der Man / der Briam hat
ere

Der Sünden.

erschlagen/ vñ sein Weib geschendet/ dar
umb wird dich Gott mit Schwerd vnd
schande straffen. Dieses wird nicht heims
lich allein/ sondern auch öffentlich gesche
hen sein/ das jederman das bekant ist wort
ten/ vnd hats der H. Geist in die Historia
hincin verfasst / auff das ja solche straff
vnd exempel zu allen zeiten bekant würde.
Thue es isund einer auch vñ entlauffe nit.

Daniel tritt Balsazer vnter augen/ vñ
leget im nicht allein die Schrifft / welche
im Gott an die Wand geschrieben hatte/
aus / sondern thut im eine scharpffe straff
predig/ sagt / Gott straffte deinen Vater
Nebucadnezar / da er stolz ward / das er
vnter den wilden Thieren im gehölke wie
ein vnuernünftig Vieh umblieff / vnd
frass gras wie Ochsen/ vnd du ferest dich
auch nicht dran / du hast die Gefess des
Tempels enheiliget / mit deinen Weis
bern pancketiert/ seufferen getrieben / tod
te Götzen für den waren Gott gelobet/
Darumb wird dich Gott stürzen. Sol
te man nicht diesen storrigen kopff has
sen beim halse von stundan genomen/ vnd

Vom Straff Ampt
in Thurn geworffen / das er so die Obers
keit durffte schmehen ?

Johannes der Teuffer hette wol mügen
ein grosser Hans in Herodis Hofe sein/
wo er ein wenig hette können seine Predig
beschneiden / vnd nicht so grob herausser
gefahren were / Du Herodes kanst nicht
mit Gott vndehren/deines Bruders weib
haben/ das ist du bist ein blutschender/den
Gott zeitlich vnd ewig straffen wird / wo
du nicht busse thust/ aber weil er die Obers
keit schmehet/ wie man ihund weis dauon
zu reden / so mus er den kopff im lassen abz
hawen im Gefengnis / Aber das Euans
gelium lobt in/ Er sey ein warer Prediger
gewesen.

Christus vnd die Apostel zeigen nicht
alleine in gemein an was Sünde sey/sons
dern thun auch darzu / jr habe gesündigt/
thut busse. Desgleichen habennachfol
gende rechtschaffene Lerer zu allen zeiten
ir ampt gefüret/ ob sie gleich haben darüs
ber müssen Leib vnd Leben daran setzen.
Es wird in den geschichten der Kirchen/
sonderlich hoch gepreiset diese that. Amz
bros

der Sünden.

brofij / das er Theodosij Tyrannen vnd
grawfsamkeit / welche er zu Thessalonica
hat lassen vben / da er bey 7000. menschen
hat lassen ermorden one vorgehend vrtail
im frey ins Angesicht gestraffet / vnd vers
botten hat / das er in ehe er sich bekeret / nis
cht hat wollen in die Kirchen vnd zum
brauch des Sacraments komen lassen.

Ja sagstu / dieses sein sonderliche Exem
pel / die Propheten / Apostel vnd andere ha
ben mehr befehls vnd grosser macht gehabt /
denn ein armer gemeiner Prediger ikund.
Antwort / Es ist ein Predigamt / busse
vnd vergebung der Sünden vor zuhalten /
darinnen ein Christlicher Pfarher auff eis
nem Dorffe / Esaie / Johanni / Paulo
gleich ist / ob schon die hohen Leute / höherē
beruff / grossere gaben / vñ bisweilen auch
sondere stück daneben gehabt haben.

Zum fünfften / höret doch jr Weltkinds
der alle / was Gott saget von den Predi
gern / so solches nicht thun / was in drauff
für gefahr vnd schaden steht / Ezech. 3. vnd
33. ist also geschrieben / Du Menschen
kind / Ich hab dich zum Wechter gesetzt

Vom Straff Ampt

uber das Haus Israel / du solt aus meis-
nem munde das wort hören / vnd sie von
meinet wegen warnen / Wenn ich dem
Gottlosen sage / du must des todes sterben /
vnd du warnest in nicht / vnd sagest es in
nicht / damit sich der Gottlose für seinem
Gottlosen wesen hüte / auff das er lebendig
bleibe / so wird der Gottlose vmb seiner
Sünde willen sterben / Aber sein Blut
wil ich von deiner hand foddern / wo du
aber den Gottlosen warnest / vnd er sich
nicht bekeret von seinem Gottlosen wes-
sen vnd wege / so wird er vmb seiner Sün-
de willen sterben. Aber du hast deine See-
le errettet / Solche schwere rede / gehet nis-
cht allein Ezechielem / sondern das ganze
Kirchenampt an / was nun auch gleich
Gott für personen darzu beruffet / alt oder
jung / wo sie sein in Dörffern oder Sted-
ten / oder zu Herrn höfe / was künfte klerers
gesagt werden / denn das sie nicht allein
in gemein / sondern in sonderheit / die
personen auch der Sünden halb straffen
sollen / mit angehengter bedrawung / wo
solches nicht geschehe / das die Prediger als
ser

der Sünden.

ler Sünden sollen schuldig vnd theilhafft
tig werden / vnd von Gotte der straffe ges
wertig sein.

Ezech. 34. spricht Gott / weh den Hira
ten Ysrael / die sich selbs weiden / sollen nis
cht die Hirten die Herde weiden? Item /
der schwachen wartet jr nicht / vnd die
franken heilet jr nicht / das verwundte
verbindet jr nicht / das verirrete holet jr
nicht / vnd das verlornе suchet jr nicht /
sondern streng vnd hart herschet jr ober
sie / Da wird befohlen / das die im Pres
digampte sein / sollen der Schefflein heil
vnd Seligkeit suchen / vnd sich sonderlich
zu denen lencken / welche es bedürffen / das
alda beide straff vnd trostpredigten in rech
tem gebrauch / die Sünde zu erkennen /
vnd das Gewissen zu trösten / gehen müge /
vnd wo in deme die Prediger seumig sind /
auff iren fromen alleine trachten / da schre
riet Gott selber ober sie wehe.

Demnach sollen vnd müssen Pres
diger jr Ampt ausrichten / vñ das straffen
nicht allein in gemein / sondern auch also

§ 4 thun /

Vom Str auff Ampt

thun / das es di Zuhörer treffe / vnd mus
nicht allein sagen / es ist ein grosse verach-
tung Göttliches Worts in der Welt / son-
dern hie / an dem Hofe / in der Stadt / in
dem Dorffe / hie sein vngesamte kinder
vnd gesinde / hie ist grosser pracht vnd hof-
fart / hie ist scheussliche schwelgeren vnd
misbrauch Göttlicher Creaturen / hie ist
mechtige schinderen / verforteilen / vberse-
zen / hie geschicht viel vnzucht vñ büberen /
Darumb verkündige ich euch aus Gottes
Wort / Gottes Zorn vnd ewige verdams-
nis / wo ir nicht Busse thut / euch wird
Gott mehr vnd greulicher straffe zuschis-
cken / denn man bisher erfahren / wo ir nicht
werdet ablassen. Ir Fürsten vnd Herrn
seid diese Jar anher (zu den zeiten des In-
terims) verleugner vnd verfolger Christi
gewesen heimlich vnd öffentlich / mit rhat
vñ that / decket / thut busse / ir Rechte rahet
auff ewren beutel / thut Kirchen vñ Welt-
lichem Regiment schaden / darumb wird
euch Gott heimsuchen / thut busse / Ir
Oberhern haltet keine gerechtigkeit / straf-
fet nicht Morder / Ehebrecher / Jungfraw-
schens

der Sünden.

schender/wucher/betrug / damit das ganze Land in Sünden schwemmet/vñ schreien die laster in Himmel/ Zr Richter drucket den armen / vnd nemet gescheneck / Zr Eltern verziehet die Kinder / haltet keine Hauszucht/ Zr Hendeler vbersetzet arme Leute / vnd sauget inen das marck aus den beinen / Zr Handwerker steiget one alle masse etc. Item/ wo es die not auch erfordert/sol ein Prediger ein laster/vnd die jez nigen so darin liegen / also abmalen / das man nach dencken mache / Als/ Es sol einer oder mehr vnter dieser gemeine sein/welche in diesen oder jenen lastern ligen/sind andern ergerlich vnd schedlich/welche wo sie nicht werden abelassen/busse thun/wird man sie öffentlich müssen straffen/laut vnd vermöge Göttliches Worts. Solte nun ein Prediger das nicht mache haben? Warumb wird er denn von einer gewissen gemeine zu dem ampte beruffen? Warumb hat man in den gemeinen Kirchen vnd Predigstüel: wo man nicht straffen/niemands rüren solte / so wer solches alles ohne not / vnd müchten die Prediger

§ 5 hins

Vom Straff Ampt

hinaus in die hölzer oder einöde gewiesen werden / da sie Beumen / Steinen / Vögeln vnd Thieren predigten / vnd die Leute mit frieden liessen.

Hiemit wollen wir aber niemand seine frecheit oder Zungensucht gestercket haben. Denn das ganze Predigampt / wie es ohne zweiffel / das allerhöchst auff Erden / wiewol es schier niemand dafür helt / Also bedarff es am aller meisten grosse weisheit vnd fürsichtigkeit / vnd sol das ganze ampt nach dem fürgeschriebenen Göttlichen worte / als einer Regel vnd was daraus notwendig folget / gerichtet werden. Das ende solches straffens sol sein erbawung vnd heil der Kirchen. Wo aber das Straffampt / solche schrancken vberschreit / so kan vnd mag es nicht recht sein / das ist kein zweiffel.

Nun lasset vns doch auch ein wenig hören / was man darwider für gibt / wenn mans auff's aller beste machen wil. Ziels leicht haben die aller künesten reformirer des Predigampts / nicht viel von Gottes Wort vergessen / vnd fließen ire vrsachen
aus

der Sünden.

aus Adams fasse alleine / das denn eitel
Thesen / wie wissenlich / reuchet / Aber
wir wollen inen dienen / Paulus sagt /
Gala. 6. Lieben Brüder / so ein Mensch
etwa von einem feile vberreilet würde / so
helfft im wider zu recht / mit sanfftmutigē
Geiste / die ir geistlich seid / darumb solte
man nicht so geschwind faren im Predigs
ampt. Antwort / Drogen ist gesagt / das
zweierley Sünde vnd Sünder sein / mit
schwachen mus freilich eine andere weise /
denn mit mutwilligen / verharrenden sün-
den gehalten werden. Aber gleichwol müs-
sen alle beide nach irer art gestraffet wer-
den / damit nicht aus einem schwachen ein
starcker Sünder / aus einer geringen / eine
grosse Sünd entstehe vnd erwachse. Vnd
sagt Paulus deutlich / man sol dem Sün-
der heraus helfen / da gehöret ja anzeis-
gung vnd straff der Sünden zu.

Aber lieben Gesellen / ir wollet die als
ler greulichsten sünden / darin ir bis vber
die ohren ersoffen seid (als Abfall / Vers
leugnung / verfolgung / Raub / Heis / Bu
cher / vmbschlag / sauffen / huren / liegen /
vnd

Vom Straff Ampt

vnd finangen / vnd was mehr ist / dafür
eim jedern Christen istund die Hargen
berge stehen) selbst nicht für Sünde erkens
nen / sondern mus eitel heiligkeit vnd ges
rechtigkeit sein / faret drinnen fort / komet
vnd wollet nicht abelassen / denn darinnen
stchet ewer Leben vnd freude / ewer pracht
vnd macht. Vnd man sol gleichwol seuz
berlich vnd gelinde mit euch faren / nicht
ein rauches oder hartes wörtlein zuspres
chen. Ja man mus vnd sol es euch bestels
ten. Eben das ist die vrsache / das irs wiss
set / das man euch weidlich mit Gottes
wort auffgiessen sol / das euch die haut raus
chet / wollet ir Gottes Wort straff erkens
nen / wol gut / wo nicht / so wird schwerdt /
Pestilenz vnd Hellen straff folgen / das
solt ir so gewis haben als Amen. Darz
umb zu den groben knoten / nicht subtile
wetckzeug / vñ spizige fingerlein gehören /
sondern ein gute schwere Axt / vnd mit
voller sterck drein gehawen / das fracht / ob
vielleicht ein schlechtes holz draus werden
wolte / doch sollen Prediger one alle Wele
liche eusserliche gewalt / sondern mit Gots
tes

der Sünden.

tes Wort solches alleine thun. Es geben auch die sietsamen vnd Vernünfftigen Leute für/frecheit zu reden/ zungensucht/ leichtfertigkeit/ sey nicht zu leiden/ das da einer auff die Cankel bringet/was er in der Beche oder von seinen Megden gehöret habe? Antwort / was hören wir da? Es ist freilich solche leichtfertigkeit vnd vnbetrachtlichkeit strafflich. Denn ein Prediger aus gutem grund vnd vrsachen/ vnd mit einem ansehen vnd gebürlicher bescheidenheit/ Sünde vnd Sünder straffen sol/ vnd wird mit nichten leichtfertigkeit zu plaudern/ sonder freiheit des predigampts so Gott aufferleget / welche zur bekerung vnd besserung gereicht/ verteidiget. Aber jr Herrn / es sol euch alles zungensucht heißen/wenn man aus gutem grunde/vnd mit gebürlicher vernunft ewer Sünde / die schier den Kindern auff der gassen bekant / anrühret / vnd vermanet zur heilsamen Busse / dabey man denn ewer Herr/ welches sich Gottes Geist nicht wil straffen lassen Gen. 6. kennen lernet.

Man lesset aber auff den Predigstülern
eiges

Vom Straff Ampt

eigene affecten aus / weis man zu sage / das nirgend zu taug. Antwort / Wo solches geschicht / ist nicht recht. Aber jr flüglinge meistert auch einen Christlichen euer / der bey einē trewherkigen Prediger / welcher seiner Schefflein heil vnd Seligkeit sucht / sein sol. Wo Sünden recht vñ ernstlich gestraffet sollen werden / da kan es one affecten oder bewegungen nicht geschehen / vnd lobet die histori des Euangelij Christum / das er nicht geleret habe / wie die Schrifftgelereten vnd Pharisecr / Ja die Heiden haben selbst gesaget / wer andere bewegen solle / der müsse von erst bewegt werden. Derwegen vber Sünde vnd Sunder einen euer oder zorn lassen blizcken / ist nicht vnrecht.

Man mus fürwar / sagen sie / nicht gestaten / das man schmehe hohe vnd nidre personen. Antwort / Schmehen / das ist / one vrsachen / vnd grund / auch one beruff personen / wer auch dieselben sein mügen / zur banck hawen / vbel nachreden / fluchen / ist vnrecht / wer kan das loben? Aber aus Gottes befehl die Sünden straffen in
ho

Der Sünden.

hohen vnd niedren personen / anzeigen / was zur bekerung / vnd zur Seelen heil vnd Seligkeit nötig / das heisset kein schmecken keines Menschen. Denn ein warer vnd trewer Prediger in seinem ampt / sol vnd mus alda an Gottes statt stehen / des selbigen willen fürtragen / nach dem Gesetz die Sünden zuerkennen geben / nach dem Euangelio gnad vnd barmherzigkeit durch Christum verkündigen / vnd da sollen alle gleich stehen / Bürger / Bawr / Knecht / Herr / Fürst / Vnterthan / reich / arm / vnd sollen Gottes stimme sich vnterwerffen / nicht sich vber solch ampt vnd wort empören. Denn da ist ein Prediger mit Gottes Wort vber sie alle / als ein Geistlicher Keiser oder Fürst im Geistlichem Reiche Christi / oder als ein Legat Christi / dem sie nach Gottes Wort gehorchen sollen / vnd hören was Gott durch sie lest fürtragen.

Es ist aber sagen sie ferner vnrecht / vnd ein misbrauch des ampts / das man zu auffzur predigt / die Oberkeit angreiffet / vñ das
Volk

Vom Straff Ampe

Volck wider sie erreget / Antwort / das ist ein alter vnd schwerer fürwurff oder beschelff der klügling / vnd ist dis der gegensbericht dem Volck zu Auffrhur vrsach geben / ist vnrecht / wie Münzer mit seinen Geistern gethan. Aber der Oberkeit laster / wie es von nöten straffen vnd also sagen / Ir von der Oberkeit / soltet das Euangelium fodern / so dempffet irs / ir solt mit der bekentnis reiner Lere forne an der spizen gehen / so seid ir die ersten so abfallen / vnd verleugnen / ja welche da helffen die spiessse umbwenden wider Christum / ir soltet dem armen zu rechte helffen / in zu dem seinen bringen / so raubet irs selber / ir soltet vnzucht / fresseren / vnd Sodomistisch leben wehren / so thut irs mehr denn andere / derwegen Gottes straff wird schwerer folgen / wo ir nicht busse thut. Ja es wird aber die Oberkeit bey dem Pöbel veracht gemacht / wenn man das also von der Cankel ruffet. Ey lieben Herrn / wer gibt vrsach darzu ? Ir selber / wiewol ir auch wol wisset / wie man die Oberkeit so hoch in vnsern Kirchē rhümet / das ir alle
ehre

der Sünden.

ehre von dem Predigampte widerferet.

Man vermanet ja mit allem vleis/das die Vnterthanen euch für Gottes Stadt halter auff Erden halten vnd gehorsamen sollen/ die Sünden aber/ so an euch kleben Gotte befehlen / welche ehre jr vnter dem Papsthumb nicht gehabt / Aber darumb kan noch sol man ewre vntugent nicht verschweigen/ sondern euch gleich so wol/ als priuat personen/ ja etwas mehr die Busspredigte thun / denn euch mehr Teufel zusehen vnd blenden wollen / Zu deme sind ewre Sünden kentlicher vnd öffentlicher/ als der Personen/ auff welche viel leute sehen / vnd thun hundertmal grössern schanden / denn eines gemeinen mannes sünde. Es thut aber wehe / vnd verbittert die hohen Heupter vnd andere so hoch dran sein. Antwort / Ey seine consequenz vnd folge ist dieses / Drum sol mans vnterwegen lassen? Nein/ drum sol mans dester mehr thun / Denn das ist der grobe gefehrliche vnd aewapnete Teufel / der nicht wil gestrafft sein/ vnd seinen Pallast mit frieden innen behalten / der mus angegriffen vnd

S

aus

Vom Straff Ampt

ausgetrieben werden / sol anders Gott eine Seele werden. Wenn aber nun gleich die Adams kinder darüber poltern vnd zürnen / da mus nicht an ligen / vnd sollen auch das wissen / das sie nicht mit ein armen Predigerlein schnarcken / sondern mit dem heiligen Geiste selber. Erwegen solch zürnen / wo man nicht ablesset / nicht wol bekommen wird / Der Prophet Esaias sagt / Christus habe auch athem in der Nasen / das ist / er könne auch wenn er anhebet / zürnen / vnd viel mehr / denn sie.

Was sagen sie / der Pfaff wil alles meistern / greiffe in ein frembd ampt / wil vns sagen / wie wir Regenten regieren / wir Hender keuffen vnd verkeuffen / Wir Handwerker in vnserm beruff vns halten sollen / er solte seines Predigens warten / vnd vns mit frieden lassen. Antwort / In ein frembd Ampt fallen ist vnrecht / als wenn ich ein Prediger / wolte mich auch auffs Rathhaus eindringen / vnd bey allen verhörungen vnd vertregen selbs mit besitzen / darzu ich nicht erfordert. Aber
einem

Der Sündent.

einem jedlichen Stand aus vnd nach Gottes Wort seine Sünde anzeigen / vnd berichten / wie man Gottes befehl nachkommen / das Gewissen verwaren solle / das ist kein fürwitz oder polypragmosyne.

Es mus das Predigamt sagen / Ir Herrn haltet keine Gerechtigkeit / straffet nicht öffentliche Sünde vnd schande / ir seid geizig / trachtet allein auff ewer gewalt vnd macht / nemet euch Gottes worts nicht oder wenig an / Ir Hender brauzt falsche Wahr / Gewichte / Ellen / Mass / Ir Handwerker geht betrieglich mit dem armen Man vmb. Vnd das ichs klerer sage / Ob gleich ein Prediger nicht ein Schuster sagen kan / wie / auff wasserley weise / oder aus welchem Leder er einen Schuh machen sol / doch so kan vnd sol er ime sagen / das er in nicht zu gar thewer gebe / auch nicht böse arbeit mache / sondern mach es leidlich / das er vnd der arme Man bey einander wohnen vnd auskomen mögen. Ob ein Prediger ein Richter nicht sagen kan /

Vom Straff Ampte

Also solstu verhören/diese vnd jene sachen
also orten vnd schlichten/ so kan vnd sol er
gleichwol sagen/du Richter/solst Gott für
augen haben / nicht nach gunst oder ges
schenck vrtail fellen / sondern gerechtigkeit
one ansehen der person fordern/ sonst wird
dich Gott straffen.

Wenn man aber das nachgebe / wür
dens gar viel misbrauchen / vnd die rechte
bescheidenheit vnd masse nicht halten /
Antwort / Misbrauch ist nicht zu loben/
Aber wenn man darumb / was recht ist /
solte vnterlassen / müsten nicht auch alle
gute Gesetz vnd ordnung nachbleiben?
Seuget doch wol eine spinne / wie man
sagt/aus einer schönen Rosen Bisse / dar
aus ein Bienenlein Hönig nimpt / darumb
sol mit nichten diese meine Schrifft / fre
cheit / leichtfertigkeit / fluchen/ schenden/
stercken oder mehren.

Lezlich damit wirs einmal abbrechen/
gibt man für / wo man mit der geschwin
digkeit also wolle hinaus fürē / werde man
sich / wie ein hiziger Stecher aus dem
Sattel rennen / die Weltliche Oberkeit
werde

der Sünden.

werde solliche Prediger verriagen / dadurch
denn die Leute der Prediger beraubet wer-
den / vnd grosser schaden an Kirchen ges-
chehen möchte. Antwort / Diese Schrifte
saget von gebürlichem straffen aus Gots
tes wort / vnd das solche wort straffe nach
dem die Sünde ist / auch müsse gescherypffet
werden / one ansehen der person / auch ohne
hindernis der gefahr. Darumb es nicht ei-
ne mutwillige geschwindigkeit ist / son-
dern nötige Busspredigt / welche man
nach erforderung des Ampts / vnd not-
turfft der Zuhörer / wie sie sein / Bettler
oder König / Bischoff oder Bader / thun
mus vnd sol / das nun die Gewaltigen zu-
zufaren / stossen solche trewherkige Pres-
diger / die da wollen den Weg der Seligs-
keit zeigen / vom ampte abe / halten sie
schmehlich / stecken sie in die Thurn / ver-
stricken / treiben sie aus dem Lande / ma-
chen sie mit dem ihren preis / wolan wie
sol man ime den thun / so ist doch nicht das
Predigampt / das da recht ausgerichtet
wird / dran schuldig / sondern das glatte
vnd zarte Teuffelgen / das in der Welt
G 3 siset /

Vom Straff Ampe

setzet / vnd sich nicht wil straffen lassen.
Es ist auch der schade / das ein fromer Pre-
diger von der Kirchen weg gestossen wird /
darumb / das er die nötigen werck seines
beruffs gethan / viel geringer / denn das er
da bleibe / vnd were im straffen seumig /
beschwert sein / vnd anderer Gewissen.
Werden nun Wendehelse vnd Betters-
fahnen vnd Hanen / Meister / Leisentret-
ter vnd Lügensecke an ire statt gesezet / da
mögen die Stiffter zusehen / was recht-
schaffen vnd gut gewesen / bessert mehr ei-
nes trewen Predigers leiden / denn eines
seumigen gegenwertigen Wolfart.

Es were auch hie zu wünschhen / die
Welthern konten ein wenig hinder sich ges-
dencken ins Bapsthumb / da stund es also /
das sie wol solch reformiren des geistli-
chen Ampts hetten müssen vnterwegen
lassen / denn es wissentlich / das alle Kes-
genten sich musten sporen vnd reiten las-
sen von den schand Baals Pfaffen. Der
Bapst trat Keiser / König / Fürsten vnd
Herrn auff ire köpffe / sie musten fur ime
niderfallen / vnd seine stinckende Schue-
füssen /

der Sünden.

Küssen/vn̄ war kein scheblicher Messerneckē
sie mussten sich für ime bücken. Isund wil
ein jeder seine Schue an das ware ampt
des Euangelij wisschen / vnd den trewen
Lerern auff den kopff schmeissen / vnd an-
ckere gros vnd klein / nach dem allein / das
ist / das sie ein frey / frech vngestraftt wesen
vnd leben führen mügen / man wil nit lenger
vnterm zwang des Euangelij ligē / wolan
wolan / das du fleuchst solstu vberkomen /
wirstu dem Bapst wider zu teil / so wird er
wie Rehoboam sagte / nicht wie vor mit
Ruten oder peitschen / sonder mit Scorpi-
onen dich hawen.

Es solten aber die jenigen so bey grossen
Herrn wol dran / oder die in anschnlichen
Vniuersiteten weren / den Weltherrn das
nicht einrcumen / das sie also das Predig-
ampt hindern / vnd dem H. Geiste einen
maulforb anhangē wollen. Den̄ schweigt
man stille / oder verhenget / so solte wol die
verfolgung rechter Lerer eben bey den E-
uangelischen grösser sein / den̄ die / welcher
wir vom Antichrist gewartē müssen. Aber
es ist bereit im wercke / Gott mag helffen.

Vom Straff Ampe

So sey nun derhalben allen fromen
Gottfürchtigen Predigern / welche von
der bösen argen Welt gedrenget werden/
eben der vrsachen halben / das sie nötige
Busspredigten thun / neben andern auch
diese erinnerung zu cinem Christlichen
trost / so viel Gott verliehen / mitgeteilet.
Denn wiewol rechte / ehrliche Gottfürch-
tige gelerte Menner auch ohne diese Sch-
riffte selbst wissen / was in dem stücke Gött-
lichen worte vnd willen / gemess. Doch
ist trost vnd vermanung in fürfallenden
leufften hoch von nöten / die entliche meis-
nung aber ist diese / das man one allē zweis-
uel nicht besser thun kan / deñ dem Göttli-
chen Wort mit rechtem ernst vnd trewen
nachsehen / vnd was zuerhalten ist aus der
Welt / rette / ob gleich die andern drüber
schnurren vnd kurren / das befehl man
Gott. Paulus sagt / Wenn ich den Men-
schen noch gefellig were / so were ich Chri-
stus knecht nicht. Es ist ja das rechte zeis-
chen vnd zeugnis der Warheit / wenn
man dem Teufel durch Gottes Geist vnd
Wort auff die schwarten greiffte / das er
sich

Der Sünden.

sich streubet / sprüet vnd zürnet. Darges-
gen ist mechtig grosse gefahr dabey / wo der
Teufel stille ist / vnd leit an der Sonnen /
vnd horchet wie ein Schwein / das sich im
drecke gewelset hat. Wenn auch gleich
hass vnd neid / verfolgung / letztlich auch
würgen hernach folget / so dencke man / das
der so vns zu dienst angenommen / welchem
wir gehuldet vnd geschworen / lang zuvor
ehe wir geboren / solches geweissaget habe /
Ir werdet von aller Welt verhasstet wer-
den vmb meines namens willen. Ir wer-
det veriaget / geplaget / getödtet werden /
vnd alles mit dem schein / das man wird
meinen / man thue Gott einen angenehmen
dienst dran. Es ist auch der Herr des Pres-
digampts selber / in solcher gestalt fürge-
gangen. Aber das mus auch die Welt ire
eigenschafft behalten / wie wolte man sonst
wissen können / das der lügen vnd wüрге
Geist / sie besessen hette / ritte vnd triebe
Aber gut Gewissen / der sache wichtigkeit
vnd gute / die verheissung ist ja solchem als
sem weit für zu ziehen. Es heisset ja / alle
ewre haar auff dem Haupte sein gezelet /
G 5 die

Vom Straff Ampt

die Erden ist des HErrn/ vnd alles was drauff ist. Der Tod seiner Heiligen ist köstlich vnd herlich für seinen augen/ ewere erlösung sol gros im Himel sein/ in der Welt solt jr geenstiget werden/ aber frewet euch / ich habe die Welt vberwunden.

Zum beschluss fallen wir Prediger euch Weltkinder/kluge / vnd vberuerstendige/ wer jr nun seid / zu fusse / vnd wollen euch gebeten haben / jr wolt euch Gottes Geist straffen / euch rahen vnd helffen lassen/ vnter den Predigstuel kriechen/nicht vber den Predigstuel auff des Pfarhers heupt euch erheben vnd setzen/ vnd ime die Register ziehen / wie vnd was er straffen / solle oder nicht. Denn es heisset/ So lasset euch nu weisen jr Könige/ vnd lasset euch züchtigen jr Richter auff Erden. Thut jrs aber nicht / vnd wollet nicht allein vngestraffet sein/ sondern fasset auch die armen wehrlosen Predigerlein zwischen ewre sporen / wie der reuberische Habicht die Nachtigal zwischen seine klawen / wie in Fabeln steht / so wird einmal das folgen/
dauon

Der Sünden.

Davon der angezogene Psalm saget / Sein zorn wird bald anbrennen / vnd wie kurz vorher geht / Du solt sie mit einem eisern Scepter zerschlagen / wie Töpffe soltu sie zerschmeissen / Es haben sich vor wolche grossmechtige Monarchen / Keiser / König / Fürsten / Herrn / an Christum gemacht / aber es ist noch nie keiner an ime Ritter worden / vnd so viel sich an ime vergriffen / haben müssen zu scheitern vnd zu bodem gehen.

Solches were ja ewer schade nicht / sondern gereichet euch zu zeitlicher vnd ewiger wolfart. Denn wenn jr Gottes Wort köntet hören / ewer Sünde lassen euch fürhalten vnd erkennen / vnd vergebung bey Christo suchtet / so hettet jr Gott zum Freunde / der hie euch würde segnen an allen leiblichen / vnd dörfstet in der Hellen nicht hernach einen ewigen Braten geben.

Ausserhalb diesen weg / kan ewern Sachen nicht gerahten werden / da ist dencken an verloren / Jr klaget vnd schreiet / es sein schwere leufftē / viel krieg / verwüstung
der

Vom Straff Ampe

der Land vnd Leut / das Volck werde vns
gezogen / es wolle in vielen sachen weder
hinder noch förder. Aber wo kompt solches
doch her? die jenigen welche ewer höchste
freund sein / vnd zu ewrem zeitlichen vnd
ewigen Heil vnd glück rahten vnd helffen
soltten / liegen euch in ohren / sagen es sey
des Euangelij / vnd der vng gehaltenē Pfaf-
fen schult / die müsse man dempffen / man
habe lange genug vnter irer dienstbarkeit
gelebt / vnd ir geht freidig vnd getrost auff
ir anschüren / hinan. Aber wie wenn eben
dieses ewer fürnemen / veriagen vnd plas-
gen armer Prediger / sampt dem freien
vnd reinen Euangelio / ein vrsache were /
darumb euch Gott zur warnung mit man-
cherleyen plagē also daheim suchete. Wols
an wir wollen gerahten haben / versehen
vns auch darneben / wir wollen nicht weit
vom Ziele geschossen haben. Denn solte
Gott segnen / da man Christo sein Reich
vnd Predigampt meistert? Ja darumb
werden viel mehr noch grössere straffe er-
folgen / das breite ende / wie jener sagt / ist
noch dahinden.


Lehr


der Sünden.

Lecklich weil irs ja nicht anders haben
wolt / so wird es gehen / wie im Propheten
stehet / Wie das Volck ist so ist der Pres
diger / Ir wolt ohrenfraver haben / der
solt jr mehr denn gnug bekommen. Aber
sehr leid ist allen fromen herzen solches an
zusehen vnd zuerfaren. Gott der Vater
vnser Herr Ihesu Christi / wolle beide
Oberkeit vnd Vnterthanē allen zugleich /
Christliche herzen / verleihen / vnd seinem
Predigstuel / welchen er geordnet / beyste
hen / denselbigen zu mehrung seines Reis
ches / vnd dargegen zur schwchung des
Reiches des leidigen Teufels / nicht
lassen gar vnter die Füße
treten / Amen /
Amen.

[Faint, illegible text, likely bleed-through from the reverse side of the page.]








44 $\frac{6}{10}$

X 198 6463



FORMAPHIIPPEYVAESTEDMES
IVANESCIAPINGI NOTAESTAN
TEBONISEIVSCRIPTADOCENT



1

Vom Straff Ampt
der Sünden.

Ob vnd wie die
enigen/so im ordenlichen
Predig Ampt sein / nach vnd mit
Gottes Wort / falsche Lehr vnd Les
rer/Sünde vnd Sünder strafs
fen/vnd die Busspres
diget thun sol
len.

Johannes Wigandus.

Gedruckt zu Brsel/durch
Nicolaum Henricum.

Anno 1563.

